

7.204




PSAUTIER  
DE LA STE.  
VIERGE



RÉSERVE










D.<sup>8</sup> 5774. Res -


Inu. 7204 -

- 1<sup>o</sup> le psautier de la V. I. Vierge  
Marie par S. Bonaventur  
= Paris, Barbier 1504, 1509
- 2<sup>o</sup> Ses Devotes Louenges à la Vierge  
Marie (par Martial de Paris)  
Paris, Simon Vostre 1509.
- 3<sup>o</sup> & instruction d'un jeune prince  
Paris, Michel Senon 1517. x

vau R<sup>6</sup> 4: 17.









*Ex lib. f. 100 g. 2 au f. 100 f. 100 f. 100*

**C**icy commence le psaultier  
de la tressacree vierge marie mere de iesu-  
crist sauveur de tout l'humain lignage cõ-  
pose par le docteur seraphique monseigneur  
sainct bonaventure euesque dalbanie et car-  
dinal de rôme Lequel a este nouvellement  
translate de latin en francoys a l'honneur &  
louenge dicelle trespigne vierge. D. 5774

*41. Ex Lib. f. 100 g. 2 au f. 100 f. 100*



M  
191



¶ Le premier pseaulme qui se commence  
come le premier pseaulme de Dauid cest  
assauoir Beatus Vir.

**M**erge marie bienheuree est la person  
ne/qui aime ton saint nom: car par  
toy aura grace.

Et ainsi comme leau de la fontaine pro  
duit verdure/en luy produyras fruit.

Entre toutes femmes tu es benoiste mere  
de dieu. par ta credulite.

En elegance & beaulte toutes dames: an  
ges & archanges en saintete surmonte.

En to<sup>r</sup> lieu est ta grace publiee: car iesus  
a ta priere agreable.

Gloria patri. et filio & spiritui sancto. Si  
cut erat in principio et nunc et semper et in  
secula seculorum Amen.

Je te salue marie pleine de grace nostre sei  
gneur est avec toy/tu es benoiste sur toutes  
les femmes et benoist est le fruit de ton Vē  
tre iesus

¶ Le second pseaulme qui se commence  
Quare fremuerunt.

**P**ourquoy se sont esmeuz peuples &  
nations: pourquoy ont ilz pense con  
tre nous choses vaines.



Mere de iesucrist defend nous de ta dextre  
cōfond les & destruietz par ta force & vertu.  
Venez a ceste dame tous qui estes en peine  
en elle trouuerez confort & allegence.

Venez a elle tous en voz tentations : et la  
bonte dicelle vous reconfortera.

Mais de tout vostre cueur louez la et hono  
rez : car sa misericorde est par toute la terre.

Gloria patri & filio &c.

Je te salue marie.

**E**las dame pourquoy ay ie tant  
d'aduersitees : dissipe et destruietz  
tous ceulx qui me tourmentent.

Dame par ta pitie efface noz pechez : abolis  
le fardeau de nostre iniquite.

Aie pitie de moy et guaris ma maladie :  
oste la douleur et angoisse de mon cueur

Ne me metz point es mains de mes faulx  
ennemys : mais a mon dernier iour recōfor  
te mon ame.

Guaine moy a la fin au vray port de salut :  
prend mon esperit a dieu mon createur Gloria.

Je te salue marie

**D**ant ie t'ay inuocque tu as epaul  
ce ma voix : et de ton hault siege il  
ta pleu me ouyr.

Des leopards iniques preparez a la viande :  
et de ceulx qui mespiet ta grace me deliure.

Dame ta misericorde et pytie est benigne:  
enuers ceulx qui inuoquēt ton saint nom  
de bon cuer.

Dame tu soyes benoiste par tout a tout ia  
mais: & ta maïeste soit par tout adoree.

Chacun de sa puyssance adore ceste dame:  
et tout le peuple de la terre exalte sa magni  
ficence. Gloria patri &c.

Je te salue &c.



Dresse tes oreilles dame en mes pa  
rolles & ne me vueille bannir de ton  
plaisant visage.

Dame tourne noz pleurs & gemissemēs en  
ioye: et noz aduersitees en iubilations.

Fais q̄ noz ennemys trebuschēt a noz piedz  
par ta puiſſance & vertu anichile leur force.

Toute langue benyſſe: et confeſſe ton nō.

Ton esperit est doulx par ſus doulceur de  
miel: ainſy ton heritage plus que toute aul  
tre doulceur. Gloria patri.

Je te ſalue &c.



Ne me laiſſe tomber en la fureur de  
ton filz: que ne ſoye iuge & condēne  
en ſon ire.

Pour l'amour de ton nom ſoyes nous dame  
en ayde/et propice nous ſoit le ſainct fruct  
de ton Ventre.

Des portes des enfers et du parfond das



Bisme: par tes saintes prieres/dame deli-  
ure nous.

Et nous soyent ouuertes les portes eternal-  
les: affin q recitons et cōptons tes vertuz.  
Ceulx qui sont es enfers ne te peuēt louer  
mais ceulx qui par ta grace/aurōt vie eter-  
nelle. Gloria patri.

Je te salue.

**M**alas dame en toy iay eu mon espe-  
rance: et pource garde moy de mes  
saulx ennemys.

Enchesne ⁊ refregne la gorge du lyon: ⁊ les  
machinatiōs de ceulx qui me poursuyuent.  
Estandz la grant clarte de ton Visage sur  
nous: affin que nostre ame soit nette deuāt  
dieu.

Dame si lennemy denfer poursuyt mon  
ame: en toy est mon espoir mon refuge ⁊ cō-  
fort. Gloria patri.

Je te salue.

**O** Ame en toy dieu le roy celestiel  
sest voulu faire homme: pour no-  
stre saulement.

Comme iadis/la flambe au buis-  
son en la toyson fust trouuee la rousee: ainsi  
en toy est descendu le filz de dieu.

Par la vtu ⁊ moyē du benoist saict esperit:  
la vertu du hault prince ta ceint ⁊ enuironnee.



Benoïste soit ta sainte et nette conception  
benoïst et glorifié soit ton enfantement.  
Benoïste soit par tout ta grande pureté: be  
noïste soit tousiours la douceur de ton  
cœur Gloria patri.  
Je te salue.



Toy dame de cœur mes maux cō  
fesseray et ta louëge et gloire deuant  
tous cōpteray.

A toy dame est deu honneur et magnificen  
ce: on te doit grace et donner louenge.

Tu as trouue premiere grace et paix deuât  
dieu: fay que les pecheurs trouuent pardō  
et misericorde.

Par toy les penitens viennent au port de  
salut: oste toute douleur et angoisse de nos  
cœurs.

Dame apres la peine de nostre pelerinage:  
nourris nous en ta paix et repos pacifi  
que Gloria patri.

Je te salue marie.



ay foy et cōfiance en ceste douce da  
me: pour la douceur et misericorde  
de son nom.

Ses yeulx tournez sont enuers les poutes:  
ses mains sont estendues a subuenir aux  
besoies.

Querez tous ceste dame de vostre ieunesse et

naissance et elle vous glorifiera deuant la  
face du peuple.

Sa grande misericorde efface noz pechez: et  
nous donne abondance de Vertus et me-  
rites.

Doulce Bierge marie estād no<sup>r</sup> tes saintz  
bras: et ne nous priue point de ta benigne  
face. Gloria patri.

Je te salue.

**V**euilles moy sauuer dame sur tou-  
tes amyable: fontaine de clemence  
et doulceur de pitie.

Toy seule enuironne et circuitz la terre: af-  
fin que tu suruiengne a ceulx qui te recla-  
ment.

Tant belles et honnestes sont tes voyes et  
chemins: et tes oeuvres et gestes tousiours  
avec pain.

En toy reluist beaulte chastete et iustice: en  
toy est Verite et fontaine de lumiere.

Le soleil te enuironne cōme vng bestement  
en ta couronne sont douze estoilles reluy-  
santes. Gloria patri.

Je te salue marie.

**E**las dame marie ne me oublie si-  
toſt: et me deliure au iour de ma  
tribulation.




Ne se resiouysse poit mō ennemy sur moy:  
mais par la grand puyssance de ta Vertu de  
struictz le.

Duure tes yeulx de paix & de misericorde  
affin que nostre aduersaire ne nous puyss  
surmonter

Sur tous magnifions ceste sacree dame:  
par laquelle le ciel & la terre ont paix

Dame qui es mōtee sur les sieges des an-  
ges empres ton filz iesus prie pour noz pe-  
chez. Gloria patri.

Je te salue.



Monstre aduersaire fol & hors du sens  
a dit ie te apprehenderay et tueray  
de ma main.

Diens au deuāt de luy & le confons & casse  
destruictz et fay perir tout ce quil a de pui-  
sance.

Le soleil & la lune se esmerueillēt de toy: les  
puyssances angeliques te seruent & ado-  
rent.

De seul atouchemēt tu guaris les malades  
et ton odeur vermeil ressuscite les mors.

Celuy qui tout le monde ne pourroit conte-  
nir a voulu en ton ventre prendre figure hu-  
maine. Gloria patri.

Je te salue.

**A**me qui demoura au tabernacle de  
dieu: ou qui reposera avec les saictz  
es cieulx.

Se seront netz de cueur et pources desperit:  
les doulx & pacifiques qui pleurent et ge-  
missent.

Parle pour no<sup>r</sup> dame a ton chier filz: et no<sup>r</sup>  
preserue de son ire & fureur.

Deuant marie mettons nous a genoulx: &  
no<sup>r</sup> gettons tous deuant ses saintz piedz.  
Tenons la bien de toute nostre force: ne la  
laissons aller sans sa benediction. Gloria.  
Je te salue.

**E**n toy iay mia fiance que tu me des-  
cendras: laisse tomber sur moy Vne  
goutte de ta grace.

Ton ventre virginal & ton precieus corps  
ont porte et engendre le benoist filz de dieu.  
Benoitestes et glorifiees soient les mammel-  
les: desquelles tu as nourry et allayte ie-  
sus.

Nous qui auons trouue grace et misericor-  
de en marie: chantons et magnifions ses  
louenges tousiours.

Attribuons honneur et magnificence a son  
nom: et manifestons par tout son digne en-  
fantement. Gloria patri.

Je te salue.



**E**las dame epaulce et entens ma  
priere: chasse & deboute de moy tou-  
te tribulation.

En ioye et melodie ton nom confesseray:  
mais que tu aye respondue ta misericorde  
sur moy.

Entre Vous Vierges ensuyuez ceste dame:  
comme ont fait katherine/cecile/ anne /et  
barbe.

En Voix de cuer honorez ceste dame: car  
ainsi sa grace ont acquis luce margueritez  
agathe.

Pour espoux son chier filz elle Vous donne  
ra: dune couronne de fleurs elle Vous cou-  
ronnera. Gloria patri.

Je te salue.

**R**espexcellente dame maistresse & em-  
periere: ie inuoyeray ton nom et  
loueray tousiours.

Vous qui estes blesez Venez a ceste da-  
me: elle Vous aydera contre voz ennemis.  
Fay degouster sur nous du lait de tes ma-  
melles: affin que cõgnoissons que sommes  
tes enfans.

Entre Vous religieux honorez ceste da-  
me: car elle est vostre aide et speciale ad-  
uocate.

Nous prions quil te plaise nous donner re



frigere: tu es de religion pillier et fonde-  
ment. Gloria patri.

Je te salue marie.

**E**s cicul<sup>r</sup> publient et diuulquent  
ta gloire: et tes odeurs et douceurs  
sont par l'uniuersel monde.

Retirez vous pecheurs a ceste noble dame  
elle vous conduira au bray port de salut.

En hymnes cantiques et toute melodie ve-  
nez tous a sa grace: et elle vous arrosera  
de sa benignte.

Entre vous gens iustes et sans iniquite  
glorifiez marie: car par le fruit de son ven-  
tre vous auez merites.

Glorifient marie tous les siecles des sie-  
cles: toute la terre loue & honore son nom.

Gloria patri et filio.

Je te salue.

**E** faulte nous en tribulati<sup>o</sup>n & a nos  
prieres vueille adresser ta benigne  
et ioyeuse face.

A la fin de nos iours ne nous des-  
gette pas: mais vueille no<sup>s</sup> donner secours  
a nostre partement.

Enuoye ton saint ange au deuant de no-  
stre ame: qui la garde et defende des enne-  
mis denser.

Dame adresse noz ames deuât le createur:  
qui nous pardoint noz faultes par ta sain-  
cte grace.

Enuoye nous ton ayde en noz peines & dou-  
leurs: donne nous lieu et place avec les biē  
eureux. Gloria patri.

Je te salue.

**E**n ta vertu et purffiance dame de  
hault parage: se resiouyra nostre  
cœur et sera console.

De ton lieu hault enuoye nous sapience: q̄  
soyons sages et prudēs a dieu seruir.

Contre la chair donne nous abstinence: af-  
fin q̄ auoir puissions la lumiere de ta grace.

O combiē douces sont tes parolles ampa-  
bles: que oyent souuētessois ceulx qui sont  
en ta grace.

Gloire & honneur dame ie te offeray et en  
ton nom resiouyray mon ame. Gloria.

Je te salue &c.

**R**aise a mon dieu q̄ par les saints  
merites: de son espouse iaye remis-  
sion.

Le iour et la nuyt pleure et crie apres toy:  
ton seruant & subgect attend misericorde.

Jay eu foy et esperance en ta misericorde:  
tu as chasse de moy opprobre & delict.

Mes ennemys se sont mocquez de moy.



mais soubz l'ombre de ta main tu me as dō  
ne remede.

Te glorifient dame tout le peuple du mon  
de: tous les ordres des anges magnifient  
ton nom. Gloria patri.

Je te salue.



Heu me regist et est prest a mon ay  
de: car tu as tourne ta face deuers  
moy.

Venoytz soient tes yeulx resplendissans:  
lesquelz du eille par pytie tourner sur no<sup>r</sup>.

Venoiste soit la lumiere et clarte de ta face  
bieneuree soit la beaulte de ton Visage.

Venoiste soit la misericorde de tes mains:  
benoiste soit la mammelle de ton lapt vir  
ginal.

Venoiste soye tu des apostres: les proph  
tes/martyrs confesseurs/et vierges te loue  
ront. Gloria patri.

Je te salue &c.



On filz est roy du monde et de ce q  
est comprins: pour tant comme sa  
mete tu regne avec luy.

De gloire & beaulte tu es vestuee ornee: tou  
te pierre precieuse est a ton vestement

La clarte du soleil enuyronne: ton chief/la  
beaulte de la lune est mise soubz tes piedz.

Ton siege est orne de stouilles resplendissantes

lesquelles a tout iamais te font honneur & gloire.

Souuiengne toy de nous par ta tresdigne grace: fay que nous soyons dignes dhonorer ton saint nom. Gloria patri.

Je te salue.



Toy dame de grace iay esleue ma pensee: au iour du iugement ne me laisse confondre.

Que ne soye moque de mes faulx enemys car ceulx qui ont fiance en toy auront force & Vertu.

Ne me surmôtet poit les liës d la mort & lost des malicieus ne puisse epescher ma boye.

Rompt par ta vertu leurs forces & puissances: et en toute douleur vien au deuant de mon ame. Gloria patri.

Je te salue



Dge moy Vierge honoree: car iay perdu mon innocence: mais puis que esperance iay eu en toy ie ne doibs craindre.

Enflambe mon cueur du feu de ton amour: et en toute chastete maintiët mon corps ausy mon ame.

Par ta misericorde et clemence ay eu tousiours deuât mes yeulx: & ay pris plaisir en tes louenges.



Dame iay ayne la beaulte de ton Visage :  
et ay adore ta sainte maïeste.

Reclamez to' son tressainct nom: a tout ias  
mais il sera bruit de ses beaulx faitz Gloria  
Je te salue.

**O** Ame de la clarte de ton Visage vueil  
le moy enluminer: et ta face reluyse  
te puisse reluyre dedes mō ame.

Esleue moy et ie te loueray: et ton saint nō  
par tout reclameray.

Ne vueille dame ta face destourner: car ta  
beaulte iay tousiours couuoïtee.

Je tay aynee et tay requis dame des cieulx  
de moy ton serf nesplogne point ta grace.

Je te loueray par toutes gens du monde: te  
honoreray le thron de ta gloire. Gloria.

Je te salue.

**D** Au deuers toy dame retourneray: et  
tu me exaulceras: en disāt tes louē  
ges tu me resiouyras.

Aye pitie de moy au destroit de la mort: par  
ta brye lumiere dame deliure moy.

En tous pays par toutes nacions: benoïste  
sois tu dame royne des cieulx.

Le saintuaire de tō tresdigne corps au filz  
de dieu as voulu appareiller.

Ta cōsciēce nette et amiable: lieu de franchi  
se est de dieu labitacle. Gloria patri.



Je te salue &c.



Approchez vous tous qui estes enfans de dieu: et a sa mere exhibez reuerence.

Donne vertu a tous ceulx qui te seruent: benyist ceulx qui te louent et glorifient.

Exaulce les pleurs de ceulx qui pleurent a toy: ne laisse point ceulx qui inuocquent ton nom.

Ta mai soit preste pour moy tost secourir: et tes oreilles a ouyr mes prieres.

Benoyste soyz tu du ciel et de la terre: la mer/le monde benisse ton saint nō. Gloria.

Je te salue &c.



Ame ie te loueray/car ie suis en ta garde: de lennemy tu me deliureras.

Diuisie moy et de mort me rachate: deliure moy de mes tribulations.

Par ton empire & ta haulte puissance tu briseras tous ceulx qui mal me veullent.

A lors louenge ie te viendray offrir de plus grand cueur ie esleueray ta gloire.

Les cieulx/la terre preigne en eulx l'esse: car tes pources seruiteurs iamaiz tu ne deslaisse. Gloria patri.

Je te salue &c.



Ame en toy iay mis tout mon espoir: ta sainte grace ne me laisse confondre.

En toy est ma force et aussi mon refuge: en toy seule gist mon aide & secours. Deuers toy dame/ en mes tribulations me surys tourne: & tu mas exaulce.

Deliure moy du lien qui m'est tendu de l'enemy: car en toy gist mon aide.

Dedens tes mains ie metz ma poure ame: toute ma vie le iour de mon trespas. Gloria.

Je te salue.



Beneureux sôt les cueurs qui te desireront: car leurs pechez sont par toy effacez.

Tes saintes mammelles chastes & florissantes: ont allaitte la fleur tant odorante.

Ta grand beaulte iamaïs ne perira ne auiegira ta gracieuse face.

Benoïste soit la Berge de iesse: qui est montée iusques au thronne diuin.

O vierge royne tu es la seule Roye: par ou salut est venu de la hault. Gloria patri.

Je te salue.



Vi estes iustes prenez resiouïssance et dun bon cuer seruez la bone dame.

Venez a elle par grand deuotion prenez  
:bi



plaisir a luy faire seruice.

Efforcez vo<sup>r</sup> de la magnifier: elle empliera  
voz cueurs de sa l'esse.

Elle estendra les raiz de sa pitie: sur vo<sup>r</sup>  
l'ura sa grande misericorde.

Sauoureux est le fruit quelle a produit:  
le saige y prêt goust et toute douceur. Glo.

Ae te salue marie pleine de grace.



Et loueray vierge tout le tēps au  
nir: ma lāgue dira tousiours mais  
tes louenges.

Magnifiez la vous qui auez sa grace: qui  
iourissez de ses saintes amours.

En tous perilz et en necessite: ayde & cōfort  
en elle trouuerez.

Prienez exēple a son honnestete: ensuyuez la  
en toute humilite.

Car par icelle iadis a merite: estre de dieu  
la mere et lancelle. Gloria patri.

Ae te salue marie pleine de grace.



Ame des cieulx confond mes aduer  
saires: Va cōtre iceulx & deffend ma  
querelle.

Mon esperit en toy s'eslouera: en tes meri  
tes ie te remercieray.

Le ciel/la terre sont tous plains de ta grace:  
de plus en plus sommes a toy tenuz.

En quelque part que ie tourne ma face: la



le rencontre ouuraige de ta grace.

Allons dōc vīste saluer ceste dame: la ou re  
pos trouuerons a iamaīs. Gloria patri &c.  
Je te salue marie pleine de grace.

**O**ffenser dieu le pecheur apēse: mais  
doulce dame redups le a bō propos.  
Prie tō filz que a nous tourne sa fa  
ce: contrainct le dame quil nous pardonne  
noz faultes.

Au ciel habite ta grāde misericorde: ta gra  
ce est au monde respēdue.

Vertu & force reposent en tes bras: Vigueur  
et proesse habitent en ta dextre.

Au ciel benoist soit ton haultain empire: et  
dessus terre ta grāde magnificēce Glia.

Je te salue.

**M**Aye point haine a tous ceulx qui  
font mal: mais leur fureur par ta  
grace attrempe.

Religieus aussi vous reguliers gens secu  
laires & aussi gens deglise: ayez en elle vo  
stre espoir & fiance

Prenez plaisir a dire ses louenges et voz de  
sirs elle accēplera

Dieulx vault vng peu avec sa bōne grace:  
que pierrerie argent ou grand tresor.

Gloire test deue dame royne des cieulx a  
tout iamaīs souuiegne toy de no<sup>9</sup> Gloria.

Je te salue cc.

**G**arde moy dame de la fureur de dieu  
de mes pechez impetre moy pdon.

Tout mon desir soit seulemēt en  
toy: tout mon espoir et toute ma fiance.

Trouble ie suis par mes iniquitees: ie n'ay  
repos dedens moy ne assurance.

Enlumine de clarte mes tenebres: q̄ repeu  
soit de ta douceur mon cuer.

Ne nous delaisse dame mere de dieu: mais  
avec nous soit ta grace et vertu Gloria.

Je te salue.

**A**ly propose de me garder de mal:  
mais que par toy soit ton filz en  
mon aide.

Ta grād̄ douceur a fort blesse mō  
cuer: de ton amour ie suis tout embrase:

Exaulce doncques dame mon orayson: par  
ma priere mes ennemis trebuchent.

Regarde nous en pitie de la hault: en la bal  
lee de misere ne nous laisse.

Garde moy dame que ne tombe en peche:  
et en la fin soit avec moy ta grace. Gloria.

Je te salue.

**D**ns temps ya qu'ay attēdu ta gra-  
ce: mais tu mas fait grande miseri-  
corde.

Par mes prieres souuēt mas deliure: hors



de misere et de mes ennemis.

Merueilleux sont tes dons et en grand nō  
bie: inestimables sont tes graces & biēfais  
Ceulx qui te ayment en toy se resiouyssent:  
ceulx qui te hayent tōberōt en enfer.

Venoste fois tu dame/a tout iamais: cy et  
au siecle q̄ durera sans fin. Gloria patri.

Je te salue &c.

**E**ssus le poure a gette son regard:  
qui de bon cueur la sert & magnifie  
Dame des anges royne de tout le  
monde: nettoye mon cueur et de ton amour  
lenflambe.

Tu es icelle dōt suis enlumine: tu rassasie  
et nourris ma pensee

Ma langue appete de toy magnifier: & ma  
pensee de toy porter honneur

Je bouldroye bien que tu me eusse epaulce  
car en ta garde ie metz tout tāt q̄ iay. Gloria.

Je te salue &c.

**D**omme le cerf desire la fontaine  
ainsi desire mon ame ton amour.  
Tu es la mere du redēpteur de Vie  
tu as nourri le saulueur du monde.

Et tes mammelles ont repeu mō saulueur  
ōt tu fuz cause de nous donner salut.

Epaulce moy efface mes pechez: & me enlu  
mine et oste mes tenebres.

De ton amour mon cueur soit enflâde et de  
ta grace abolis ma paresse. Gloria.  
Je te salue.

**O** Ame soie iuge & regarde a ma cause  
deliure moy d'to' mes aduersaires  
Le fruct de ton Bêtre les mette a  
neât ta chastete les perde & cōsôde  
Ayons force contre eulx par tes saintes pri  
eres: tes saictz merites les mette to' a fin.  
Metz en abisme sil q me persecute le puy  
denfer le deuore en viuant.  
Mais moy estant cōme en captiuite a tout  
iamais loueray ton saint nom. Gloria.  
Je te salue.

**E** noz oreilles dame aud'souy aïsi  
noz peres le nous ont annonce  
Que ineffables sôt tes dignes me  
rites et merueilleux les gestes de ta vie  
Tes grans vertus ne se pourroïent nôbier &  
inestimable est ta misericorde  
Resiouy toy mon ame en icelle / car ses ser  
uans auront digne loyer.  
Venoïste soyte dame / des cieulx / des anges  
Dieu benisse ceulx qui te glorifient Gloria.  
Je te salue marie.

**M**un tresbō mot est sorty de mō cueur  
plaî de douceur rêply de toute ioye  
Ta saintete efface mes pechez: ta



chasteſte me face incorruptible  
Mon dieu mayme par ta virginite mon a-  
me eſt avec luy par icelle liee  
De captiuite iay eſte rachete / & des enfers  
iay eſte deliure / par ton enfantement  
Qui eſtoye perdu ay eſte retrouve & de ban-  
niſſement ay eſte rappelle p ta digne portee  
Gloria patri et filio.  
Je te ſalue.

**E** Ame en neceſſite vers toy auōs refu-  
ge / car ta vertu cōfond noz ennemyes  
Le mōde eſt plain de tes grās bene-  
fices: leſ q̄lz ſeſtendēt es cieulx & es enfers.  
Qui parauant eſtoient es enfers: de pleine  
grace les en as deliurez.  
Les cieulx ont ioye deſtre ainſi reſtaurez: p  
Virginale et chaſte ſecondite.  
Anges & hōmes par ton fruit precieulx: ont  
paix enſēble & ſōt citoyēs des cieulx. Glo.  
Je te ſalue.

**E** Siouyſſez vo<sup>r</sup> gens de toute cōtree  
louez en ioye ceſte glorieuſe vierge  
Car ceſt la porte de Vie & de ſalut:  
par elle l'homme a paix avec dieu.  
Eſperāce des penitēs: conſolation de ceulx  
qui ont douleur: repos & ſalut de to<sup>r</sup> cueurs  
Aye pitie dame / aye pitie de moy: tu es  
b iiii.

lumiere de ceulx qui ont espoir en toy.  
Par ta portee au monde si vtile: tous mes  
pechez me soient pardonnez. Gloria patri.  
Je te salue.

**E** Ame exaulceez colloquee au hault  
en paradis/et en sainte eglise  
Anges archanges menoiet grãd me  
lodie quãt tu môtas de toutes fleurs ornee.  
Anges glorieux puissances seigneurie. aus  
sy vertus & dominatiõs benez luy au deuãt  
Cherubin throne et seraphin louez. Vostre  
maistresse: faictes la asseoir a la dextre de  
son filz.

O de quel cueur de quelle chiere iesus tu la  
receue et faicte dame & royne. Gloria.  
Je te salue.

**E** Scoutez cy gens de toute contree:  
qui desirez aller en paradis.  
Sur toute chose honorez ceste dame  
si trouuerez la voye de salut.

Noublie dame tes pources seruiteurs: mais  
fay leur paix enuers ton filz iesus.  
Tes seruiteurs ont fainz grand souffrette  
repaiz les dame/du saint fruct de tãbẽtre.  
Car tu es vierge apres lenfãtemẽt: iuiolee  
chaste a tout iamais. Gloria patri.  
Je te salue &c.



**M** E dieu des dieux a parle a marie  
p son saint ange gabriel en disant  
Je te salue marie pleine de grace:  
par toy sera rachate tout le monde.

Ta grand beaulte a pleu au filz de dieu:  
dieu eterneel sera conceu en toy.

Appreste toy pour le bien recevoir: Bien au  
deuant de ton filz et espoux.

Le saint esperit descendra entoy: par la ver  
tu du quel tu conceueras. Gloria patri.

Je te salue.

**A**rdonne moy dame par ta pitie: car  
on tappelle mere de misericorde.

Dun cuer pitoyable regarde ce pe  
cheur nettoye moy de mes pechez innuies  
Estend ta grace cy dessus moy pecheur: ne  
eslongne point ta pitie de moy.

A toy dame mes pechez ie diray: et deuant  
toy ie men accuseray.

Impetre moy pain & misericorde: par deuât  
celuy qui ma cree & fait. Gloria patri.

Je te salue.

**N**A ne se glorifie lennemy en sa mali  
ce: ne le dragon denfer en son enuie.

Mais se humilie au deuant dune  
femme par laquelle il a este vaincu.

Foule sa teste dame dessoubz tes piedz rôt  
diff & ipe sa haultaine malice.

Estaint aussi sa vertu et puissance: et la res-  
duitz en cendie et en pouldie.

A celle fin quen toy nous prenons ioye: et  
dun bon cueur no<sup>r</sup> te disons louège. Gloria.  
Je te salue marie

**M**estre aduersaire iadis delibera de  
getter l'homme hors de paradis.

Et dit ie prap en forme de serpent:  
et par la femme feray trebucher l'homme.  
O miserable ainsi de ta pēsee: tu en es loīg  
comme le ciel de la terre.

Ne soies fier dauoir trompe la femme: car  
Vne femme te brisera ta teste.

Tu luy as mis et tendu tes fillez: mais en  
iceulx toy mesme as este pris Gloria.

Je te salue marie.

**D**ame: Ar ton saīct nō saulue moy doulce  
dame: deliure moy de mes iniqtees  
Dessoubz tes aelles met moy a saul-  
ue garde q̄ lennemy p son art ne me trompe.  
Par ta pitie ma dame ayde moy: respēd ta  
grace dessus ma pource ame.

Et de bon cueur ie te offereray louège & loue-  
ray ton nom car cest raison.

Tu me osteras hors de tribulatiō: lors des-  
piseray tous mes aduersaires Gloria.  
Je te salue marie.



**E** Faulce ie te prie dame mon orayson  
ne vueille despriser mes petites  
prieres.

Mon cueur a eu frappeur enpesant a la mort:  
car il craint la iustice du iuge eternal.

Les tenebres de mort sont venuz dessus moy  
et les peines denfer mont fort espouente.

Tout a par moy iattens ta consolation: da  
me: en me fiant a ta misericorde.

De ton bras glorieux & de ta main puissante  
soient noz ennemis anciens gettez par  
terre. Gloria patri et filio. Je te salue.

**K**ye pitie de moy/ car tous mes enne  
mis: ont pense contre moy de me met  
tre a fin.

Haine pour moy la guerre a toute ta fu  
reur: & leur mostre: ton ire: car ilz mot deffiez

Que choses merueilleuses soient faictes con  
tre eulx: & q ie sente ton aide de ta force & vertu

Glorifier te plaise ton saint non dessus no<sup>9</sup>

q chacū bien cognoisse q il est ta misericorde

Laisse tōber sur no<sup>9</sup> Vne goutte de douceur  
car Vrayement tu es tresoriere de grace Gloria

Je te salue marie.

**A**ye pitie d moy aie pitie d moy: car mon  
courage est prest de faire ta voulēte

Et lōbie d tes aelles ie prēdray mon re  
pos: ta cōsolation mest tresfort agreable.



De tes mains blanches sort l'odorifere  
myrre: et de tes dois oignemens precieus.  
Comme est le grain de pome de grenade: tel  
est ta bouche belle et odorante.  
Tu es la mere de toute dilection: ancre de  
espoir et porte de salut. Gloria patri.  
Je te salue.

**D**i vous le tiers parlez de iustice: ho  
noyez en/la royne & maistresse.  
Tout ce qui est fait a l'honneur de  
marie: la loueage appartient a son filz.  
Des roses des martirs tu es environnee:  
les fleurs de liz des vierges sont au tour de  
ton siege.  
Louez la toutes estoilles du matin: enfans  
de dieu chantez en l'honneur d'elle.  
Le ciel/la terre glorifient son nom: la mer/  
les fleuves le fondement du monde Gloria.  
Je te salue.

**O**uvre moy de mes ennemis dame  
vien au deuant la royne de pitie.  
Or precieus est en tes ornement: et  
nobles pierres sont en ton diademe.  
Jaspis & ametistes reluyssent en ta dextre:  
berilles & chrisolithe sont en ta main senestre  
Jacintes & achates sont mis en ta poitrine  
carboudes estincelans reluyssent a ton col.  
Mirre encens & balme degouttent de tes



maines: saphirs et esmeraugdes reposent en  
tes dois. Gloria patri.

Je te salue

**M**On dieu pour noz pechez tu nous  
as dechasse: mais par ta sainte me  
re tu nous as pardonne.

Prie pour nous mere de Bray salut: qes la  
paix des hommes et des anges

Aux desolez tu enuoye l'esse: au gemissans  
ioye et reconfort.

Resiouys nous dame de ta douceur: de ta  
liqueur arrouse noz courages.

Le ciel la loue et luy baille louenge: aussy  
la terre et tous ses habitans Gloria.

Je te salue

**E**paulce dame ie te prie ma priere  
redz moy costat: ferme entd amour.  
Soye moy tour soye moy forteresse  
et me defens du cruel ennemy.

Comme vne armee soyz luy espouventable  
et tout en dye il tombe en enfer.

Tu es la dame sur toutes reluyfante: com-  
me la nuee et come laube du iour

Tu es clere comme la lune pleine: come le  
soleil reluyf en ton saint regard. Gloria.

**M** Je te salue

E sera point mon ame a toy subget  
te: qle saulueur du monde as enfate.



Souuiengne toy de no<sup>r</sup> le salut des perſons  
epaulce les cōplâites & pleurs d'nostre cueur  
Donne nous de la grace de ton digne tresor:  
et de tes oignemens guaris nostre douleur  
Dttrope nous ta ioye et l'yeſſe: auſſi confōd  
les ennemys des bons  
L'auue et nettoye to<sup>r</sup> noz mauldiz pechez: gua  
ris nous dame :de nostre maladie. Gloria.  
Je te ſalue



On dieu qui mas cree: par ta tres  
digne mere ie te glorifieray.  
Car Virginalemēt elle ta conceu &  
ſans tormēt & peine elle ta enſâte.  
Benoiste ſoyz tu dame: royne de grace: au  
thron de ton filz ſoye nostre aduocate  
Car beaulte et clarte ſont au deuant de toy  
contregarde mon ame que ne tombe en pe  
che. Gloria patri. Je te ſalue.



Eaulce ma priere dame quant ie te  
prie: oſte moy toute crainte de lenne  
my denſer.

Impetre nous a ton filz ſalut & paiz deſpe  
rit: et auſſi aſſeurance au iour de nostre mort  
Benoiste ſoyz tu deſſus toutes les fēmes:  
et benoiſt ſoit leſcuit de ton Ben tre ieſus  
Enlumine mes yeulx dame par ta pitie: et  
oſte les tenebres qui ſont en ma penſee.  
ſay que i'aye cōſiance en toy toute ma vie: &



aussi quāt diēdray a l'article d la mort Glo.  
Je te salue.

**E**l appartient a tout iamais louēge/  
chāt et iubilation en la cite de dieu  
De toutes gēs dieu veult q̄ soye be  
noiste ⁊ q̄ soye louee de luniuersel monde.  
Dieu ta benist en sa misericorde: ton throne  
est assis par dessus tous les anges.  
Grace ⁊ beaulte il a mis en ta bouche: dun  
bestemēt de gloire il a orne ton corps.  
Une belle couronne il a mis sur ta teste: des  
ioyaux de vertu il ta toute ornee. Gloria.  
Je te salue.

**E**ute la ire se estouysse en elle: bail  
le honneur a sa maieste.  
Vierge honoree benoist est ton saict  
cueur dōt as ayne si ardāment ton filz.  
Regarde en pitie dame ma pourete: bueille  
moy deliurer de langoisse ou ie suis  
Oste de moy toute tribulation: et adoulcis  
ma langueur et misere  
Toute creature benisse ton saint nō: de tou  
te langue soye tu glorifiee. Gloria.  
Je te salue.

**Q**ueu nous benisse et ait pitie de no<sup>r</sup>  
en lhōneur dicelle q̄ Vierge lenfāta.  
Dame aye pitie ⁊ prie dieu pour no<sup>r</sup>  
tourne nostre douleur en ioye ⁊ lyesse.

Enlumine moy estoille de la mer: clarifie  
moy toy qui es si tresclere.

Estaind lardeur Villain de mon courage:  
refroide moy par ta grace et pitie  
A tout iamaïs ta grace me desfede: de ta pie  
sece aide moy a ma fin Gloria patri.

Je te salue

**I**Jeue toy dame & destruietz noz en-  
nemis: quilz soient brisez et cassez  
soubz tes piedz

Dissipe toute leur impetuosite: leur malice  
destruietz & annichile

Vers toy me suis tourne en ma tribulation  
tu as nettoie & maide ma pensee

Talouege soit tousiours a ma bouche et tō  
amour ne parte de mon cueur

Ceulx ont grand paip qui ayment ton saict  
nom iamaïs leurs ames ne verront les en-  
fers. Gloria.

Je te salue

**S**Aultie moy dame p ta misericorde  
leue de cōcupiscence est ia iusques  
a la gorge.

Je suis fiche au limō de peche: les eaues de  
Dolupte mont tout environne.

En douleur iay pleure toute nuyt mes pe-  
chez: sur le iour mest venu ioye & cōsolatiō.  
Saulue mon ame la mere du saulueur: car



par toy a salut tout le gendre humain  
Quant par l'annocemēt de l'ange tu cōceus  
du filz de dieu le pere tu fuz grosse et encein  
te Gloria patri *ex libris. I. genoufco paris.*  
Je te salue *cc. 1696*



Ame entend ie te prie a mon aide  
de ta sainte lumiere illustre ma  
pensee.

Aprrens. nous sil te plaist denque  
rir ta bonte affin que racōptons les haults  
sais merueilleux.

Monstre ta grand puissance contre noz en  
nemis: affin que tout le monde saintifie  
ton nom.

Qui sont molestes et font tort a tes seruās  
p la fureur d ta dextre soiēt mis a perditio.

Aye pitie de ceulx qui te inuoquent: ne per  
metz q̄ trebuchēt en leurs tētations. Gloria.  
Je te salue.



Ay eu espoir en toy ne me laisse cō  
fondre: mais ta misericorde me gar  
de et deliure.

Pour la grand multitude de mes  
iniquitees: q̄ sur moy tāt moppresse ie suis  
tout affoibly.

Mes ennemis contre moy ce sont esmeuz:  
sen sont mocquez et raillez tous les iours.

Regarde dame: cōme lon me tormēte: estēd

tes mains & baille moy secours.  
Marreste point en lhonneur de ton nō: que  
tu soye cause de ma ioye & salut. Gloria.  
Je te salue.

**B**Aille le iugement dieu le pere a ton  
filz: metz la misericorde a sa piteu-  
se mere.

En ta main est salut deDie perpetuelle: aus  
speternite et ioye a tout iamais.

Arrouse mō cueur de ta digne douceur: fay  
moy mettre en oubly les miseres du monde.  
Tire moy apres toy par ta misericorde: des  
oignemens de ta grace guaris toutes mes  
douleurs.

Dōne moy grace d couuoyter tō amour: des  
ioyes de paradis enpure ma pensee. Gloria.  
Je te salue.

**C**ōbien est iesus bon enuers ceulx  
qui honorent & adorent sa mere.  
Car elle est nostre ayde & cōfort: en  
noz labeurs cest tout nostre refuge.

Dedens mon ame lennemy a mis tenebres  
fay y reluyre ta clarte & lumiere.

Garde moy dame / de lire de mon dieu: ap-  
paife le par tes merites & prieres.

Au iugemēt soye aduocate pour moy: des fē  
ma cause encontre lennemy. Gloria.  
Je te salue.



**Q**urquoy dame no' as tu degettez:  
que ne vien tu en noz tribulations  
Mon oraison viene au deuât de toy  
ne desprise iamais les pleurs des gemissâs  
L'ennemy contre nous a ia tendu son arc: il  
a leue sa main et nous nauons poit dayde.  
Couppe les liens desquelz il nous a lyez: &  
nous deliure dame de ta main dextre.  
Reboute le en lieu de perdition: a tout ia  
mais soit a damnation. Gloria  
Be te salue.

**O** Anne nous confessons et louons  
ton nom: fay que prends plaisir a  
dire tes louenges.

Louez la to' habitâs de la terre: p  
tous les peuples annoncez sa louenge.

Honneur et pris sont tousiours deuant elle:  
force et ioye reposent en son siege.

Adorez la en la beaulte dicelle: glorifiez lou  
urier de sa beaulte.

Ayez la tousiours en vostre souuenâce: et re  
tenez en voz cueurs ses merueilles Gloria.

Be te salue

**O** Ieu fust congneu iadis en iudee: en  
ysrael sa mere est honoree.

Dessus le miel est douly son souue  
nir: et son amour dessus toutes senteurs

Salut & Vie sont en son habitacle: en sa mai  
son paiz et gloire eternelle  
Honorez la et le ciel et la terre / car le roy des  
roys la si fort honoree.,  
Chacu ne creature si luy donne louenge : et  
glorifie sa grande misericorde. Gloria  
Je te salue

**A**ly esleue ma voix a nostre dame;  
et de sa grace elle ma entendu  
Toute douleur elle a oste de mon  
cueur: & sa douleur au lieu elle y a mis.  
Elle a tourne ma crainte en espoir: de son re  
gard elle ma resiouy.  
Hors des dangiers ay este mis par son ayde  
et suis eschappe des mains de l'ennemy.  
Dont ie rends graces a dieu et a toy dame  
de ce qu'ay eu par ta misericorde. Gloria.  
Je te salue.

**E**scoute peuple le comandemēt de  
dieu et noublie la royne de pitie.  
Ouurez voz cueurs a la chere  
tousiours : et vostre bouche a le  
glorifier.  
L'amour dicelle descende en voz cueurs: &  
couuoitez tousiours a luy cōplaire.  
Sa beaulte surmonte le soleil et la lune: sa  
composition est ornement de vertu.  
Aye pitie de moy d'honneur et gloire dame.



de tout dāgier defend ma pource ame. Glo.  
Je te salue.

**D**usieurs payens sont conuertiz a  
dieu : par tes prieres ilz ont este  
crestiens.

Ton eloquēce soit douce de uant  
luy: et fay ma paix enuers mon redēpteur.  
Estend ton bras contre mon ennemy: eet m  
demonstre toute sa tromperie.

Ta Voix est douce par dessus toute melo-  
die: l'armonye des anges ny fait rien.

Degoutte sur moy la douceur de ta grace:  
et de tes graces la fragrance et odeur. Glo.

Je te salue.

**O**ieu disrael entend a ma priere : q  
beulx louer le saint nō de ta mere  
Mon ame sus lieue toy de la poult  
die: va au deuant de la royne des  
cieulx.

Destie les liens desquelz tu es liee: et la re-  
cois a glorieuse louenge.

Car d'elle sort le bon odeur de Vie: et ton sa-  
lut d'elle sort et procede.

Par les odeurs de sa tresdigne grace les  
ames mortes si sont ressuscitees. Gloria.

Je te salue.

**E**siouyssez vo' en la vierge marie la  
qille tousiours a este en vostre ayde.

En elle soient boz desirs enflâbez boz ène  
mys par elle serôt confus

En iuiuds tous sa grâde humilite: son obe  
dience et sa benignite.

Toutes graces resplêdissent en elle: elle en  
a eu sur toutes creatures.

Courrez a elle avec deuotion: participant  
vous serez de ses biens. Gloria.

Je te salue.

**Q**ue la lignee iudaiq est sortie la me  
re dieu comme la rose de lespine.

Vierge marie nettoie mon ordure:  
car tu reluyes de toute purete.

Ottroie moy la fonteine de Vie dôt leaue vi  
uâte soit et procede.

Venez a elle tous ceulx qui auez soif: et de  
bon cueur elle vous en donnera.

Qui en beura iamais il naura soif: et si le  
condupra a la Vie eternelle. Gloria.

Je te salue.

**Q**ue ame des cieulx y a il ton sêblable  
qui te passes de gloire et de grace.

Côme les cieulx sont eslôgnez de  
terre: dautant tu passe toutes crea  
tures.

fay que mō cueur soit blesse de ton amour  
fay moy digne de ta grace et de tes dons.



Ma pēsee soit fōdue en ta craīte & tō amour  
embrase ma pensee.

fiay que desire ton hōneur & ta gloire: affin  
que par toy ie viengne en paradis

Gloria patri et filio.

Je te salue marie.

**O** que belle est ta maison de Vertu:  
combien sont doulces tes belles  
mansions.

Vous tous pecheurs ayez la en hō  
neur et a la fin elle vous impetrera grace.

Son orayson sent mieulx q̄ encēs & baulme  
et ses prieres iamaīs ne tournent vuides

Prie pour moy dame/ enuers ton filz: ne  
me laisse ne a la mort ne a la vie.

Trop benin est ton amoureux courage: et  
de ta grace est répli tout le mōde.

Gloria patri et filio.

Je te salue marie.

**T**u as benist mon dieu ton habitacle  
tu as sacre ta digne mansion

Cest ceste belle/entre toutes les bel  
les: dont ta memoire est en benediction.

La tresseuree lon appelle/ les anges glorifiez  
la Vertu & dominations.

Peuples et gens requerez sa prudence: cer  
chez le tresor de sa misericorde.

Ne pensez d'elle iamaiz si non tout bien: et  
la cherchez en simpleste de cuer Gloria.

Je te salue.

**I**ncline tes oreilles et exaulce ma  
voix: tourne vers moy ta face aye  
pitie de moy.

Les saintz se delectēt a ta grāde doulceur  
ta charite est plus doulce que miel.

Les raiz de ta gloire enlumine l'esperit: la  
clarte de ta pitie nous dōne saulvement.

Ta fontaine de bonte enpure ceulx qui ont  
soif: le regard de ta face retire de peche.

Par te bien cōgnoistre l'homme est fait im-  
mortel: et pour dire tes vertuz il va a saul-  
vement. Gloria patri.

Je te salue.

**E**s fondemēs de vie en lame de l'hō  
me iuste: cest de perseuerer tousiours  
en charite.

Le poure d'afflictio est par toy releue: sil in-  
uocque ton nom tu luy enuoye allegeance.

De tes misericordes paradis est tout plein:  
dont est a malayse l'ennemy infernal.

Qui a espoir en toy aura tresor de paiz: qui  
ne te inuocquera ne ira ia lassus.

Fay dame / q'vius en la grace d' dieu: a puis  
cōduis noz ames a la ioye eternelle. Glo.

Je te salue &c.



**O** Ame qui as este tousiours preste en  
mon ayde: iour et nuyt iay crie & in  
uocque ton nom.

Mon oraison paruienne deuât ta digne fas  
ce. dun seul regard console ma tristesse.

Mon ame a cōmis pechez en plusieurs so  
tes: purge la & nettoye de toutes ses ordures  
Par ta vertu poursuis noz ennemis: quilz  
ne nous empeschent a acquerir salut.

Donne moy grace pour leur resister confor  
te nostre cueur contre noz couuoitises Glo.

Je te salue.

**E** chāteray & diray a tout iamais:  
de tout mon pouoir tes grandes  
misericordes

De loignemēt de ta pitie guaris  
les penitens: et de luyllle de ta misericorde  
adoulcis noz douleurs.

A mon trespassement que ie Boye ta face: p  
laquelle mon esperit ait ioye et confort.

Excite mon esperit a aymer ta beaulte: ex  
cite ma pensee a louer ta noblesse.

Deliure moy de toute tribulation: de tout  
peche preserue ma pource ame. Gloria.

Je te salue.

**A**me enuers toy nostre seul refuge:  
et noz perils et noz necessitees.

Le quetu fais cest de ta saīcte gra

83.  Genève parit.



ce: quāt ta douleur esmeut noz affections.  
Il me souuendra de tes misericordes: ie tē  
diray sacrifice de louenge.

Qui te honorēt auront courōne eternelle: et  
en lieu de tristesse aurōt la vraye ioye.

Qui s'attēdent a toy seront bestuz de lumie  
re: ilz obtiendront perpetuelle ioye Gloria.  
Je te salue marie.



Eluy qui se fie en l'ayde de marie:  
sera tousiours en sa protection.

Sa partie aduersē ne luy pourra ia  
nuire: ne de son dart ne le pourra blesser.

Elle le deliurera des filez du chasseur: et  
soubz ses plumes elle le couurira.

Requerez la doncques en voz affaires: et li  
re de dieu ne vous approchera.

Qui aura espoir trouuera fruit de grace: el  
le luy ouurera la porte de paradis. Gloria.

Je te salue.



Et dōne chose d'louer ceste dame:  
et luy chāter gloire d'un bō uoloir  
Racōpter ses merites resiouist les  
petit: les anges en ont ioye quant  
on ensuyt ses oeures.

Qui aura sa grace sera citoyē du ciel: ceulx  
qu'elle merquera seront au liure de Vie.

Pieue toy dame/ et iuge nostre cause: et nous  
deliure de ceulx q nous poursuyuent.



De noz pechez ne destourne ta face : recois  
les dars que gette lennemy. Gloria.

Je te salue.

**E** Jeu a regne en gloire & triumphe: et  
a orne sa mere de Vertuz.

Mere de paiz accõplis ta promesse:  
monstre a to<sup>r</sup> seruans le chemin dequite.

Qui desirez sapience den hault: seruez en  
humilite la mere de iesus.

Qui pourra dire & racompter ti s fais: qui  
trouuera tes trespors de pitie.

Soustien ceulx q trebuchet en leur tẽtatidõs  
mõstre leur le sentier de vie & Verite Glo.

Je te salue marie.

**D** Jeu est le iuge iuste & droicturier:  
mais tu la paisse mere d misericorde

Ta magnificẽce a tousiours aura  
briyt: q te honoret trouuerõt le chemi d paiz

Seruez a elle en ioye & reuerẽce: de son saict  
fruct vous serez tous guaris.

Regarde dame / s humilite de tes serfs: & ilz  
te loueront a perpetuite.

Magnifie tõ nõ en multipliãt ta grace: ne  
laisse tes seruãs en dãgier & peril. Glo.

Je te salue marie.

**E** Siouyssõs no<sup>r</sup> en lhõneur de marie:  
a ceste royne chãtons en melodie.

En iubilatidõs vendõs au deuãt del:  
le: & en douls chãt louons la dun accord.



Adorons la/gettons nous deuant elle: con-  
fessons noz pechez en larmes ⁊ pleurs.  
Impetrez no<sup>r</sup> remissions planiere soye pour  
nous au throne de ton filz.

Et en la fin recors noz poures ames: et no<sup>r</sup>  
conduis en repos erernel. Gloria.

Je te salue.

**G**hâtez nouueaux câtiques a la me-  
re de grace: tous ceulx qui habitez  
en luniuersel monde.

Elle surmôte les âges en saintete: les filz  
dadam en vertus et merueilles.

Beaulte et gloire reluisent en sa face: mise-  
ricorde et grace en ses yeulx.

De tous pays apportez luy louège: toute cre-  
ature sesiouisse en elle.

Par elle vous auez grande alliance avec  
dieu quant estes appelez par elle enfans  
de dieu. Gloria patri.

Je te salue.

**D**ieu a le regne par dess<sup>s</sup> tout le mō-  
de: aussi sa mere a par tout sō épire.  
Adorez la citopēs de paradis: louez  
la vierges car vous estes ses filles.

Car elle est assise par dessus tous les âges:  
dessus les seigneuries et dominations  
Patriarches/prophetes louez la: ⁊ vo<sup>r</sup> mar-  
tirs et apostres de dieu.



Confesseurs vierges châtez luy des cātigs  
remerciez la de ce q̄ auez eu victoire. Gloria.  
Je te salue.

**C**hantez a nostre dame/ cantiques  
tous nouveaulx : car par elle ont  
este faitz merueilleux.

De toutes gēs est congneue sa gra  
ce par tout le monde son nom est estendu.

Souuiegne toy des pources miserables : et  
les soubstient par ton ayde & secours

Car tu es dame de toute Verite & trop pacien  
te et misericordieuse.

Metz soubz tes piedz l'enemy de noz ames  
de ton saint bras destruitz sa contumace.

Gloria patri et filio.

Je te salue.

**E**n regnera en despit des viuantz :  
sa douce mere se assira a sa dextre.

Dame/ta gloire est grande en syon  
et ta magnificence en hierusalem.

Vierges chantez au deuant de la vierge : et  
adorez son siege qui est sain.

A sa dextre est colloquee la loy : a l'entour del  
le sont plus de mille saintz

Ses commandemens elle a deuant ses peulx  
la rigle de iustice est tousiours en son cueur

Gloria patri et filio.

Je te salue.



**D**uez la vierge marie to<sup>s</sup> hōmes  
de la ire et seruez la en l'pesset ioye  
Du bon cueur benez a ceste dame:  
de toute vostre puissance ensuyuez  
ses Vertuz.

Cerchez la & vous la trouuerez: soyez netz  
de pensee ainsy vous la prendrez  
Ceulx ausquelz tu ayderas ayent bonne es  
perance: iceulx ayent grand paour desquelz  
tu te eslongneras.

Souuiengne toy de nous que mal ne nous  
aduiengne: soye nous en secours que nous  
soyons sauluez. Gloria patri  
Je te salue.

**D**ec toy est iugement aussi miseri  
corde: letifie moy mon ame et ie te  
seruiray

Je loueray ton nō/ie exalteray ta  
gloire: et tu solageras mō ame desolee.

Jay desire tō amour & ton hōneur: pourtāt  
defend ma cause deuāt le souuerain iuge.

Ta grace et ta bonte mont deuers toy tire:  
fay que mon espoir & fiance ne me trōpēt

Mais conforte mon ame quāt ce viendra a  
la mort: et que dne fois ie voye mon dieu et  
mon saulueur. Gloria patri.

Je te salue marie.



**A**me ie te supplie exaulce ma priere: mon cry et mes complaints paruiengnent deuant toy.

Ne tourne point ta face arriere de moy: de mes pechez naye abhominacion.

Ne me laisse point es mains de lennemy ne permetz point quil me reprocher rien.

Qui se fierôt en toy ne craindront le serpēt qui dirôt tes louēges eschaperôt du drable Par ta Virginal conception donne moy esperance: par ton merueilleux enfantement resiouys mon ame. Gloria patri.

Je te salue.

**M**On ame/loue la mere de iesus: et toy mon cueur glorifie son nom.

Noublie point les biēs quelle ta faiz: ne ses graces & cōsolations.

Car par sa grace les pechez sont lachez: sa misericorde guarist les maladies.

Benissez la vertu de paradis: glorifiez la apostres & prophetes.

Benissez la mer/aussy les isles: chantez sup hymnes bo<sup>9</sup> habitās des cieulx. Gloria.

Je te salue.

**B**enisse mō ame ceste benoiste d'ame elle aura hōneur & loz a tout iomais Tu est vestue & omee de beaulte: tu es couuerte dun habit reluisant



La médecine des pecheurs vient de toy : de  
toy procedent charite ⁊ amour.  
Pourtāt remplis nous de tes belles Vertuz  
que lire de dieu ne vienne dessus nous.  
Donne ioye tousiours a tes seruans: ne les  
oublie au destroit de la mort Gloria patri.  
Je te salue.

**M**uoquez tous ce beau nom de ma-  
rie: chantez luy laudes et cōptez ses  
Vertuz.

filles de syon louez la ⁊ honorez: elle vous  
donnera a espoux son chier filz.

Honorez ceste royne qui est pleine de grace:  
contemplez son visage en grande reuerēce.

En ta main est le salut eternal: lequel aurōt  
ceulx qui te honoreront.

Ta clemence et pitie iamais ne cessera: ⁊ ta  
misericorde aura tousiours duree. Gloria.  
Je te salue.

**C**onfessez vo' a elle cest chose sou-  
ueraine: et par toute la terre racō-  
ptez sa clemence.

Loing de peche est sa cōuersatiō  
elle a tousiours marche en equite.

La fontaine de grace procede de sa bouche:  
laquelle saintifie toutes ames qui sont  
chastes.

Celuy a esperance daller en paradis: qui



de deuot courage honoiera marie  
Aye pitie d'no<sup>e</sup> dame royne du ciel done no<sup>e</sup>  
allegeance par ta tresdigne grace. Gloria.  
Je te salue.

**Q**uoquez le nō ies<sup>us</sup>: car cest si bone  
chose: et de sa mere misericordieuse  
Monstre nous dame/innocence et  
puissance: fay nous entēdre la boye de salut  
La crainte de dieu enlumine les cueurs: et  
ton amour resiouyft les pensees.

Bieneureux est celui qui test agreable: tu  
le rempliras de ta grace et amour.

Ta parolle soustient lame imbecille: et ta  
bouche estaint la fain du cuer. Gloria.

Je te salue.

**M**on cuer est prest dame/mon cuer  
est prest d te chāter et resoner louēges  
Ta charite surmōte toutes riches  
ses: ta grace loz et pierres p̄cieuses.  
Beatitūde et iustice pcedent de dieu: mais  
de toy vient toute misericorde.

De toy procede toute grace et paiz: celui se  
ra hors de danger qui sera en ta grace.

Soye ma garde en mes tentacions: et de tes  
aelles defend nous de lennemy. Gloria.

Je te salue.

**E** Bueille despriser dame/mon oray  
son: et ce presēt psaultier Bueille p̄  
d. i.



Die agreable.

Regarde seulement la bouldete de mon cuer:  
mon affection te puisse estre playstante.

Bien distemēt visitet tes seruās: dessoubz  
ta main ilz seront a sauuete

Inspiration du saint esperit receueront:  
par toy ilz pourront a peche resister.

Guaris ceulx la qui ont contricion. de loy-  
gnement de ta misericorde. Gloria.

Je te salue marie.

**E**u a dit a sa mere royne de para-  
dis: assiez toy a ma deyt. e ma mere  
et mon espouse.

Bôte et purete tont este agreables: pourtāt  
tu regneras tousiours mais avec moy.

Tu auras en ta teste courōne imortelle: la  
clarte de laquelle iamaïs ne estaindra.

Aye pitie de nous royne de lumiere: enlumi-  
ne noz peulx dame de verite.

De tes tresors enuoye nous sapience: enten-  
dement/bōnes meurs et prudence. Gloria.

Je te salue.

**E** te loueray de toute ma puiffāce:  
et te glorifieray de toute ma pensee  
On recitera les oeures de ta grace:  
aithione diuin assez appert ta grace.

Par toy redemption a este enuoyee: le peu-  
ple penitent aura espoir en toy.



Tu baille entendemēt a ceulx q̄ te honoiēt:  
Vne fois ilz serōt en la cōpaigñie des anges  
Ton nom est glorieux/merueilleux/hono-  
rable: qui la fische en son cueur ne craindra  
ia la mort. Gloria.

Je te salue.

**B**ienheureux est qui craint la vierge  
marie: bienheureux est le cueur qui  
s'ayme sur toutes choses

Bienheureux est celui qui n'est iamais saou-  
le de dire tes louenges & raconter tes faiz  
Il a dedens son cueur la lumiere de dieu: et  
le saint esprit duquel il est enlumine.

Respand ta grace par dessus tes seruans:  
rassasie les pources qui endurent la faim.

Par toy aucuns ont memoire eternelle: ne  
craignons point le son espouventable. Gloria.

Je te salue.

**E**n fâs louez la mere de iesus: & vo-  
s anciens glorifiez son nom.

Benoiste soit marie mere de dieu:  
car cest la voye d'aller en paradis.

Son thronne est dessus les cherubins: et sa  
chaire est au plus hault du ciel.

Son regard est dessus ceulx qui sōt hūbles  
et dessus ceulx qui ont fiance en elle.

Sa misericorde est par tout estendue: & son  
ausmone iusques au bout de la terre. Glo.



Je te salue.

**E**stât ma pource ame partira de ce mo  
de bien luy au deuant et la prend  
en ta garde.

Console la de ton plaisant Visage: que le re  
gard du dyable ne la trouble.

Soye luy eschelle au royaume des cieulx  
monstre luy le chemin a aller en paradis.

Impetre luy de ses pechez pardõ: quelle soit  
cõptee au nombre des esleuz.

Soustient deuant dieu ceulx qui te sont de  
uotz: prend en tes mains leur cause a defen  
dre. Gloria patri.

Je te salue.

**D**ur ce q'iaï ay ayne la mere mō dieu  
sa grāt misericorde est venu sur moy  
Les douleurs de la mort mont tout  
enuironne: mais sa Visitation ma dōne re  
confort.

Je suis tombe en douleur a dangier: iay este  
rectee par le moyen de sa grace.

Son nom et sa memoire demeurent en nos  
cueurs: a lennemy lors ne no<sup>r</sup> pourra nuyre  
Mon ame tourne toy a dire ses louenges:  
tu trouueras soulas a ton desfinement.

Gloria patri et filio.

Je te salue.



**P**our tant qu'ay creu iay voulu an-  
noncer ta gloire dame: par l'univer-  
sel monde.

Aye compassion et radresse mon ame: mon-  
stre quelle face ce qui test agreable.

Baille luy tesmoignage de paiz et dilec-  
tion: fay quil luy souuiègne tousiours de  
ton saint nom.

Que ie soye soustenu de ta benediction: et  
adoulcis mon ame de ta benigne grace.

Romp les liens des pechez qu'ay commis:  
orne mō ame de tes meurs & vertuz. Glo.  
Je te salue.

**M**uez nostre dame/gens de toute na-  
tion: Vng chacun peuple glorifie son  
nom.

Car sa misericorde est sur nous confermee:  
sa verite demourera tousiours.

Qui dignement lhonnoiera sera iustifie: q  
la desprisera mourra en ses pechez

Les anges racōpterōt et diront sa sapience:  
Les cytoyens den hault chanteront ses lou-  
enges.

Ceulx qui prōt vers elle de boncueur: escha-  
peront des mains de lennemy. Gloria.

Je te salue.

**C**onfessez le nō de dieu pour sa grā-  
de bonte: et le nom de marie pour sa  
d.iii.



misericorde.

L'amour dicelle dechasse tout peche: et sa grace purge la conscience.

C'est le chemin pour paruenir a dieu: qui le fuyra iamaiz ny paruiendra.

Si l'innocque souuent qui se sent endurcy en ses tenebres il trouuera lumiere

Qui sera triste se retourne vers elle: et de douleur tantost sera remply. Gloria.

Je te salue marie.

**B**eneureux sôt ceulx qui sôt netz et purs: et qui ensuyuent la mere de iesus.

Ceulx qui ensuyuent sa grâde humilite: & de sa charite sont participans.

Ceulx qui cherchent ses vertuz sont eureux qui se conforment a sa digne ymage.

Ceulx qui honorent et adorent son filz: et q luy seruent de bonne affection.

Et aussy ceulx qui en elle ont espoir: & qui par elle receueront paradis. Gloria.

Je te salue.

**B**aisle bon loyer a ton pource seruât diuifie moy ie seray ton plaisir.

En ce mode ie suis cōme estragier: ne s'loigne point de moy tō amour ne ta grace Mon ame a couuoyste / & sur tout desire: de dire tes louenges.



Car tu es mō salut enuers ton benoist filz:  
qui mas deliure ⁊ rachate de mort.

Mais pour ces biens que te pourray ie ren  
dre: auoit prens moy pour ce que ie te dois

Gloria patri et filio et.

Je te salue.

**Q**ue ie congnoisse dame/ta Voulen  
te: et ie la complieray de toute ma  
puyssance

Aine moy au sentier d ta miseri  
corde/la pi.<sup>e</sup> belle des belles: car ie lay desire  
Enc. ine mō ame aux choses celestielles: et  
la retire dordure et paillardise.

Des ma ieunesse iay desire ta chastete: fay  
moy pecheuer par ta misericorde.

Et ie garderay tousiours tes mandemens:  
et ceulx de ton chier filz que iay tant desire.

Gloria patri et filio.

Je te salue marie

**Q**ulte princesse souuiengne toy du  
not: par lequel tu mas dōne espoir  
et confiance.

En mes tētatiōs tō espoir ma saulue: et ta  
parolle ma mis la Vie au corps.

De gens menteurs iay este enuironne: les  
quelz mont flagelle mais tu mas deliure.

Jay conuerse avec ceulx qui te craignent: ⁊  
qui songneusemēt gardent tes mādeme ns



La terre est pleine de tes misericordes: pour  
tât iay cerche tenir la droicte Voie. Gloria.  
Je te salue.

**O** Ame a ton seruant tu as fait vne  
grande grace: de laquelle s'esioi-  
sent les anges.

Enseigne moy ton equite et tes  
meurs: sur toutes choses iay creu a tes pa-  
rolles.

Cest mon prouffit que me humilie: affin q  
iensuyue ta conuersation

Tu aymeras ceulx qui ayment tes serfs:  
qui les desprise tombera es enfers.

Laisse tomber sur moy les gouttes de ta pi-  
tie: car en ta loy est toute ma pēsee. Gloria.  
Je te salue.

**M** On ame a faillly dame/a te servir  
iestoye en grād peril ce neust este  
ta grace.

Mes yeulx ont defaillly a contem-  
pler ta grace: tu as deu le poure estat auq  
estoit mon ame.

Diris me par ta sainte bonte: et ie nou-  
bliray iamais tes mandemens.

Le mode perseuere en ta disposition: lequel  
dieu avec toy crea au commencement

Saulue moy dame/car ie suis tout a toy: et  
tes louenges sont par moy desirees. Gloria.



Je te salue.

**C**omme ay ie ayme dame/tes mandemens: iay eu tousiours ta loy au deuant de mes yeulx.

En s'étant tes douceurs mon ame est presque sortie et merueilleusement mon corps sest resiouy.

Combien douces sont tes saintes paroles dessus toute douceur ta refection est douce. Ta parole est lumiere a mes piedz: pour me monstret comme doibs cheminer.

Combien de foyz ma trouble lenemy: pour ce q ne vouloye a toy desobeir iay eu espoir en toy. Gloria patri.

Je te salue &c.

**A**y eu en haine iques pecheurs: et ay ayme ta boye ma dame gracieuse.

Dame du monde ayde moy que ie viue: ie per seray tousiours a tes mandemens.

Fay moy tousiours demourer en ta crainte: q ne soye baille es mains d mes aduersaires

Je suis ton seruiteur tout prest a te servir: et le moindre qui soit en toute ta famille.

Garde moy dame et sur tout de ceulx la: q hayssent et desprisent ton nom

Qui ne te serviront tu les despriseras car leur conversation est inique et mauuaise. Gloria.



Je te salue.

**M**erveilleux sont dame/tes tes motz  
signages: de ta parolle mon cueur est  
enlumine.

Les riches prieront et demanderont ta gra-  
ce: filles de roys loueront ta beaulte.

La parolle de ta bouche est ardât cōme feu:  
celuy la percevra qui se tourne vers toy.

Je suis cōme le ioir au deuât d ta face: tiēs  
moy dessoubz ta main que ie ne soye cōfus.

Le dyable a plus denuie sur ceuy la qui te  
seruent: mais de ta main tu les garatiras.

Gloria patri et filio.

Je te salue

**O** tout mō cueur iay crye vers toy  
dāe: deliure moy de mes necessitez  
Et epaulce la voix de mon gemis-  
semēt: q̄ ie face chose qui te soit ag-  
greable.

Ceulx qui te ignorent sont loing de leur sa-  
lut: q̄ pseuerer en tō seruice iamais ne perira

Ta misericorde arrouse tout le monde: de  
ton salut dame/ viuisie moy.

Verite est le commencement de tes ditz: ie  
nay point oubliē ta loy immaculee. Glo.

Je te salue.

**O** ennemy iay este persecute: par i  
uocquer ton nom iay este deliure.



Ceulx aurôt paix qui honorét ton nom: et  
ne seront iamais scandalisez.

Sept fois le iour iay chante tes louenges:  
selon ta promesse donne moy entendement.  
Mō oraysō viēne au deuāt de toy q̄ iamais  
ne te laisse: car tu es la Voie de Verite et pitie  
Je te desire toute ma vie louer: mais que tu  
me aye aprins tes iustificatiōs. Gloria  
Je te salue.

**E**n mes tribulatiōs ay crie Vers ma  
rie: et de sa grace elle ma exaulce.

De to' dangiers dame/ deliure no'  
et a la mort et toute nostre vie.

fouille la teste a noz faulx ennemis: metz  
les dessoubz tes piedz par ta vertu.

Ainsy comme ton cuer sest resiouy en dieu  
Vueille enuoier l'esse et ioye a mon cuer.

Va prier dieu pour nous pources pecheurs:  
affin q̄ noz pechez par toy soiēt effacez. Glo  
Je te salue.

**V**ers toy mere de dieu iay esleue mes  
yeulx dela q̄lle pcede toute cōsolatiō

Ton ayde et ta grace vueille nous  
enuoyer: en noz tribulacions.

Garde nous dame/ des liens de peche: q̄ en  
iceulx nous ne soyons surprins.

Jamais ne dois mais incessāmēt Veille:  
pour nous garder de nostre aduersaire.



La langue des anges et des hommes te loue:  
et toutes choses deuât toy s'agenouillent. Glo.  
Je te salue.



Et me suis resiouy en toy royne  
des cieulx: car tu nous guideras  
en la maison de dieu.

Hierusalem cest la cite royalle: la  
ou marie remunerera ses serfs.

Impetre nous pain et remission: triumphe  
et victoire de tous noz ennemis.

Conforte et console noz cueurs: par la dou-  
leur de ta misericorde.

Fay par ta grace et ineffable clemence: que  
nous mourrons en la grace de dieu. Glo.

Je te salue.



Ay esleue mes yeulx vers toy roy-  
ne du ciel: qui regneras tousiours  
avec ton filz.

Nostre ayde est en la vertu de ton  
nom: pourtant gouverne noz operations.

Benoiste soys tu au ciel et en la terre: et en  
la mer et en tous les abismes.

Benoiste soit ta fertilite: benoiste soit ta vir-  
ginite et mundice.

Benoist soit ton chaste corps et net: benoi-  
ste soit ta sainte ame. Gloria.

Je te salue.



**S** Non que nostre dame a este en nostre ayde: en grans dangiers nous fussions tous tombez.

Vierge soyte nostre defenderesse: et deuant dieu soyte nostre aduocate.

Monstre nous dame/ta grand misericorde reconforte nous en ton saint seruice.

Les saintz anges te benissent au ciel: & les hommes te louent sur la terre.

Ne permetz que les bestes deuorent tes ser uans: les bouches qui te louent iamaïs ne soyēt fermees. Gloria patri.

Je te salue.

**M**ere de dieu ceulx qui ont fiance en toy: ne craindront point la face de l'en nemy.

Esioyffez vous qui aymez ceste dame: elle vous aydera en tribulation.

Souuienge toy de tes misericordes: et ayde nous en ce pelerinage.

Tourne ta face amiable sur nous: confond et destruitz tous noz aduersaires.

Benoistes sont les oeuvres de tes mains: benoistz soyent tes merueilleux miracles.

Gloria patri et filio.

Je te salue.

**S** I tu tourne ta belle face vers nous mere de dieu: tu nous resioyras.



Benoiste soyte tu armarie de iesus: sur toutes femmes qui seront a iamaïs.

Benoist soit ton saint glorieux nom: qui a este nomme de la bouche de dieu

En nostre bouche soit tousiours ta louenge et en noz cueurs ton amour et charite

Qui te aymeront seront beniz de dieu: et auront en la fin ce quilz ont espere. Gloria.

Je te salue marie.

**S** tu ne edifie toy mesme en nostre cueur: nostre edifice ne pourra guai re durer.

Edifie no<sup>r</sup> ta grace et vertu: affin q<sup>e</sup> soyés fermes en bien a tout iamaïs.

Benoiste soit ta belle eloquence: benoistes soyent les parolles de ta bouche

Qui te benissent serōt de dieu benis: et si seront cōptez au nombre des saulnez

Donne benediction a ceulx qui te benissent iamaïs nes longne deulx ta gracieuse face

Gloria patri et filio.

Je te salue marie.

**B**eneureux sont qui craignent ceste dame: et ceulx qui font sa boullente et plaisir.

Benoistz sont pere et mere qui tont engendrer: tousiours sera memoire de leur nom.

Benoist est le ventre qui iadis te porta: et



les mammelles qui tont baille le lait.  
Tourne sur nous ta grand misericorde: & de  
tes serfs epaulce la priere.  
Regarde et cōgnois l'opprobre que on nous  
fait: deliure nous de noz iniquitez. Gloria.  
Je te salue.

**O** Es ma ieunesse l'ennemy ma fait  
guerre: deliure moy dame/et me bē  
ge de luy.

Ne luy baille pur force & ess' n'a  
poute ame: mais garde moy & dedēs & d'hors  
Impetre nous graces de noz pechez: et nous  
donne la grace du sain ct esperit.

Fay que dignement nous faciēs penitēce:  
affin q̄ venons a dieu en la fin de noz iours  
Tu no' mōstreras lors playsāt et gracieux  
le benoist fruit de ton Bētre iesus. Gloria.  
Je te salue.

**D** parscē de la fosse iay criē deuers  
toy: o dame de pitieVueille entēdre  
ma Voix.

Les oreilles soiēt prestes a ouyr: la Voix de  
ta louenge et glorification

Deliure moy des mains de mon ennemy:  
destruictz ce qui prepare a l'enconte de moy.  
Deliure moy au iour du iugement: et nou-  
blie mon ame a mon dernier trespas.



Mais guide moy au bry port de salut: que  
mon nom soit au liure des iustes. Gloria.  
Je te salue.

**D**ame mon cueur ne sest point epal-  
te: ne aussi mes yeulx nont eu or-  
gueil en eulx.

Dieu ta benist en sa vertu: lequel par ton  
moyen confondra noz ennemis.

Benoist soit celui qui ta saintifie: et qui  
ta cree sans aucune macule.

Benoist soit le saint esprit qui est venu en  
toy: car de sa grace tu es Bierge & mere.

Benistz nous dame: et nous cōforte de ta  
grace: et nous presente Vne foyz. deuant  
dieu. Gloria patri

Je te salue.

**S**ouuiengne toy dame: du bon da-  
uid et de tous ceulx qui inuoquēt  
ton nom

Donne nous en ton nom bon espoir  
et fiance: confond noz ennemis

Cōsole nous en nostre pelerinage: et nous  
ayde en nostre pourete.

Donne nous le pain de pleurs & de douleur  
ce pendant que nous sommes en ce misera-  
ble monde

fay que le fruct de ton Vētre no? soit doulx  
et gracieux/que nous soyons remplis de sa



benoïste grace. Gloria.

Je te salue marie.

**Q**uel bien cest/quelle ioye et l'ysse  
Vierge marie aymer ton nom.

Ton nom est plus precieus q' oigne  
mès aromaticques a ceulx qui l'ayment.  
La multitude de ta douceur est grâde: que  
tu as preparee a ceulx qui t'aymeront.

Soye refuge en tribulations: car tu es le ba  
stion des pources miserables.

Ceulx la trouueront grace enuers dieu: qui  
te inuoqueront en leurs necessitees. Gloria.

Je te salue.

**B**enissez tous ceste benoïste dame:  
vous q' auez espoir en son saint nō.  
Essuyez vo' qui la glorifiez: car  
abundamment elle vous consolera.

Elle se tournera tantost par deuers vous:  
pour resiouyr et consoler voz cueurs.

Benissez la vous tous qui la seruez: ayez  
tousiours en voz cueurs sa memoire.

Benissez la tous anges et to' saintz: louez  
tousiours ses grans merueilles. Gloria.

Je te salue.

**B**enez le nō de dieu: benissez le nom  
de sa mere.

Souuentefois faictes luy orayson:  
elle vous excitera a aymer vostre salut.



Venons a elle en cueur humilie: et Boulente de pecher ne nous Viendra iamaiz.  
Qui pense d'elle il est en grant repos: il trouuera doulceur et paiz a la parfin.  
Ayons dōcques esperance en elle: et les portes de paradis nous seront ouuertes  
Gloria patri. Je te salue.

**A**duoquez le nom de dieu qui est si doulx qui par sa digne mere nous fait misericorde.

Impetre nous l'ampytie de dieu: & nous garde que ne perdons sa grace.

Empesche l'ennemy par ta grāde puissance quil ne nous face perdre la charite de dieu.

Biens de nature vueille en nous garder: et biens de grace tousiours multiplier.

Enlumine noz voyes et sentiers: que nous sachōs qui est a dieu plaisāt. Gloria patri.  
Je te salue.

**S**ur les fleues de babilone les hebreux ont ploure: nous plourerons sur noz iniquitees

Trions a ceste dame/en grande humilite: offrons luy noz pleurs et noz souspirs.

Il nest ayde sans elle: ne salut sans son filz

Les pechez sōt purgez par le moien dicelle: lame par son fruit est blanchie.

Par elle du peche on fait satisfaction: & par



son fruit lon acquiert sante. Gloria patri.  
Je te salue.

**E**t tout mon cueur a toy me cōfesse  
ray: p toy iay essaie la grace d tō filz  
Escoute dame/mes prieres et mes  
ditz: deuāt les anges ie diray tes louenges;  
Epaulce moy quāt ie te inuoyeray: multi  
plie ta vertu dedens ma poure ame.  
De toutes lāgues soye tu epaulcee par toy sa  
lut nous est donne.

De perturbations deliure tes seruans: a les  
fais viure soubz ta paiz et ta garde. Glo.  
Je te salue.

**A**me tu mas essaye/et as biē apper  
ceu. ma ruine et ma trāsgression.  
Mais ta misericorde iay eu en abō  
dance: a ta clemence as estendu sur moy.  
Tu as cōgneu mon imperfection: tes yeulx  
ont veu la boye que ie tiens.  
Baille nous abondāce du desir de la hault  
que par peche nostre ame ne soit souillee.  
Mais ta pitie enlumine noz cœurs: et ta  
douceur nous donne recreation. Gloria.  
Je te salue.

**E**liure moy dame/de tous dāgiers  
et defend moy de lennemy denfer.  
Il a tendu sō arc a lēcontre de moy:  
et pour me nuyre il sest mis en embusche.



Destruictz tantost son malicieux pouoir:  
et annichile toute sa tromperie.

Tourne sa malice a lencontre de luy: en la  
fosse quil a faicte il tombe le premier.

Mais nous prenons en toy l'esse: et nous  
glorifions a dire tes louenges. Gloria.

Je te salue



Faulce moy dame/car ie t'ay inuo-  
que: entès a ma priere aussy a ma  
requeste.

Au soir et au matin mon orayson  
paruene deuant ta face cõe fumee dencès.

Mon cueur ne soit enclin a mauuaises pa-  
rolles: ne ma pensee a cogitations.

ffay que ie me consente a ton benoist plaisir  
et que ie me conforme a tes operations.

Blesse mon cueur du cousteau dintelligẽce  
et lenflåbe du feu de charite. Gloria.

Je te salue



Nostre dame/ de ma Voix iay crie:  
et hũblement ie luy ay supplie.

Deuāt sa face iay respondu mes lar-  
mes: ie luy ay expose la douleur de mon  
cueur.

Mon ennemy de pres sefforce de me nuire:  
il a tendu contre moy ses filez.

Ayde moy dame que ie ne soye pris: abbatz  
dessoubz mes piedz lennemy de nature.



Deliure mon ame de la prison du dyable: q̄ ie  
te loue a perpetuite. Gloria. Je te salue.

**E**aulce dame mon oraison: entēd de  
tes oreilles ma supplication.  
Ma Vie est persecutee de lennemy  
denfer: il a mis en terre ma conuersation.  
Al ma noirce de son obscurite: dont mō espe  
rit a este fort trouble.

Ne tourne ta face arriere de moy: que ie ne  
boyse avec ceulx qui trebuchēt.

Enuoye ta lumiere et ta grace Vers moy. &  
renouuelle de tout ma conscience. Gloria.

Je te salue.

**E**noiste sois tu dame: q̄ istruitz tes  
serfs a batailler cōtre noz ennemis  
Dissipe les par fouldre & tonnoyre:  
enuoye tes dars a leur confusion.

Clarifie den hault ta puifface et vertu: tes  
seruiteurs diront ta gloire & louenge.

Des choses terriennes ostenostre affection  
que desirons les choses eternelles.

Enlumine en nous couuoitise de bien: fay  
nous aymer les ioyes de paradis. Gloria.

Je te salue.

**E**te exalteray mere du filz de dieu  
et to' les iours ie diray tes louēges.

Toutes generatiōs collauderont  
tes oeuvres les isles attēdiēt ta grāde mise



ricorde.

Les anges racompteront tes douceurs : et  
les saintz ta grande benignite.

En toy dame nous auons esperance: enuoye  
nous viande delicieuse.

Ma langue dira tes louenges: et tousiours  
mais ie benistray ton nom. Gloria.

Ie te salue.

**M**On ame loue ceste dame: tant q'ie  
viuray ie la glorifieray.

Ne cessez point a dire les louenges  
apez tousiours en voz cueurs sa memoire.

Ayez pour recomande mon esperit a la mort  
soye luy guide en pays incongneuz.

Les pechez ne le troublent q' a iadis comis  
et lennemy ne luy face nuyssance.

Mais conduis le au port de salut ou seure-  
ment il attende son dieu. Gloria.

Ie te salue.

**M**uez marie le chant en est playsat:  
ioyeusez belle soit sa comemoration

Elle est la medicine des pources pe-  
nitens par loignemet de sa misericorde.

Sa vertu est fort grande: et sa clemence sera  
tousiours sans fin.

Chatez luy tous en iubilation: en cōfession  
chantez luy ses beaulx pseaulmes.

Elle prend plaisir a ceulx qui la reuerent:  
et qui ont esperance en sa misericorde Glo.



Je te salue marie.

**A** Jerusalem loue dame marie: & toy  
son glorifie la aussi.

Elle mesme a edifie tes meurs: a  
tes enfans donnera benediction.

Tu es remply de sa tresdigne grace: par son  
moyen tu as paiz et concorde.

Le dieu den hault a enuoye son age: le saict  
esperit est descendu en elle.

Reuons noz cueurs et noz mains enuers el  
le: que no<sup>r</sup> sentos sa douce influence Glo.

Je te salue.

**L**ouez des cieulx ceste benoiste dame  
& du plus hault glorifiez son nom.

Hommes & bestes louez la to<sup>r</sup>: oyseauz  
du ciel et poissons de la mer.

Soleil et lune louez vostre maistresse: estoil  
les cleres et vous planetes.

Louez la vo<sup>r</sup> cherubin et seraphin: thrones  
puissances et dominations.

Louez la aussi toutes legiōs danges: et to<sup>r</sup>  
les ordres des bienheurez esperitz. Gloria

Je te salue

**C**hantez luy chantz nouueaulx: car  
sa louenge est avec to<sup>r</sup> les saintz.

De sa gloire les cieulx prennent  
l'essence: y les de mer et l'uniuersel monde.

Le feu & leaue louēt son nō: le froit le chault  
la clarte & lumiere.



Ses louenges sont en la bouche des iustes;  
et a l'assemblée des benoistz triumpfans.  
Cyte de dieu esioys toy en elle: et pour tes  
habitans rend luy grace et mercy. Gloria  
He te salue.

**L**ouez la dame/en ses saintz glo-  
rieux: en ses vtz gestes/ & miracles  
Louez la saintz apostres/ reuerēs  
patriarches & souverains pphetes  
Constans martyrs louez ceste pucelle: no-  
bles docteurs & benoistz confesseurs.  
Vous aussy Vierges et toutes cōtinentes:  
anachorites: et moynes solitaires.  
Louez la conuent de bons religieus. & tou-  
tes ames qui sont en paradis.  
Tout esperit loue nostre benoiste dame.  
Gloria patri et filio et.  
He te salue marie.

**C** Sensuyuent les cantiques.

**E** cōfesseray ton nō: car par toy est  
appaie mon dieu dōt ie suis cōsole  
Helas dame: en toy gist mon salut  
pourtant en bon espoir ie Beulx vi-  
ure sans crainte.

Car en toy est ma force & ma louenge: de toy  
procede mon bien et mon salut.

Auec toy ie purseray de ton eue: et tous-  
iours ie inuoqueray ton nom.



Annoncez a tout le monde les Vertus de ceste dame/car son nom est fort grand.

Genre humain esioy toy et loue: puy que dieu ta donne vne telle aduocate. Gloria.

Je te salue.

**A**y dit'en moy au mylieu de mes iours ie iray a marie: elle fera ma paix.

Jay quis le demourât ale tēps de mō aage: en amaritude et douleur de mon ame

Ma generation ma este tollue: mes parens mōt laisse: dame tu mas receu.

Jay eu espoir en elle au matin & au soir: cōme le lion elle a destruit mes pechez.

Tu as tire mon ame de peril & dangier: et de la main du chien: celle que iaymoie tant  
Saulue moy dame: mere d'iesucrist ie diray tes louēges tous les iours de ma vie. Glo.  
Je te salue.

**E**n mon dieu mon cueur cest resioy en nostre dame: ie me suis exalte.  
Car celuy q̄ peut tout pour lamour de sa mere a este en mon ayde.

Jamais femme ne fut si sainte que toy: en saintete tu les as surmontees

Toutes anciēnetez voyent hors nostre bouche et commencons parler langue nouuelle  
Esioy toy syon & hierusalem: tu es la pl<sup>e</sup>



grande des dames d'israel.

Elle enrichist le poure: et luy peut oster  
tout: le esleuer/et humilier

Ceste dame passe les cieulx: et surmonte la  
terre. Gloria. Je te salue.

**A**uant en l'honneur de ceste vierge:  
benissons la en hymnes et canticques.

Son nō omnipotēt apres le nō de dieu: a de  
struict lucifer avec son exercite.

Ta grāde purssance est fort magnifiee: car  
ta pytie a abatu noz aduersaires.

Par toy ie suis deliure de la dent du lyon:  
car tu mas pīs en garde des ma natiuite.

Ma chiere dame et maistresse: metz moy  
tousiours en ta protection.

Je suis a toy avec tout tant que iay: vier-  
ge benoiste sur toute creature.

Je te prendray pour ma defenderesse: car tō  
amour surmonte toutes choses. Gloria.

Je te salue.

**I**ay este esmerueille enoyāt tes merueil-  
les: iay este tout pensif en considerant  
tes oeuvres

Dāc tu as diuifie tō oeuvre enuirtō le milieu

Je inuoqueray tō nom: car tu as reuele aux  
simples: ce que iamaiz ne sceuēt les grās.

De ta gloire le ciel est tout couuert: et la ter-  
re de ta misericorde.

Vierge tu es Venue pour le salut du peuple



avec ton filz iesus.

En ta puissance est nostre saulement: sou  
uiengne toy de nostre pourrete.

Celuy est saulue qui test agreable: celuy q  
tu delaisse va a perdition. Gloria.

Je te salue.

**L**es cieulx escoutēt ce que diray delle:  
la terre oye les parolles de ma bouche.  
Magnifiez la tous avec moy: et exaltōs  
son nom au siecle des siecles.

Generation peruerse et malicieuse: recon  
gnois ceste/par qui tu as salut.

Messe pas celle qui ta este mere: et qui par  
toy ta engendre.

Si tu la laisse tu es hay de dieu: lequel sās  
elle ne te sauuera point

Pleust a dieu que congneusse et eusse lentē  
demēt: & pensasse de ton trespassement.

Cōme lenfant sans nourrice ne peut viure  
ainsi sans elle ne pouons estre sauluez.

Ton ame doncques le desire et couuoite: ne  
la laisse aller sans auoir sa grace.

Remplis ta bouche tousiours de ses louen  
ges: et tout le iour chante sa magnificence.

Gloria.

Je te salue.

**T**outes ses oeuvres luy dōnēt benes  
diction: la louēt & exaltēt tousiours  
Anges archanges benissez nostre da  
me: & tous les cieulx benissent son saict nō.



Toute creature la benisse: puy le q'roy a  
voulu quelle fust benoiste.

Benoiste soys tu dâe fille de roy: q' en odeur  
passe la fleur de lys.

Benoiste soye tu la courône des dames: be-  
noiste soye gloire de hierusalem.

Car ton odeur est comme dun p'lein châp:  
a qui dieu a donne sa bened iction.

La benediction retourne sur ceulx la: et les  
arrouse/qui benissent ton nom.

Qui te donnera benediction: sera benoist a  
tout iamais.

Qui osera /blâche fleur te mauldire: il soit  
mauldît a perpetuite.

Tes seruans auront tousiours abondance:  
de toutes choses qui leur sont necessaires.

A ton saict nom toutes choses senclinêt: au  
ciel a la terre et es enfers aussi.

Benissôs dieu qui ta cree: benoistz soiêt pe-  
re et mere qui t'ôt engendre.

Benoiste soys tu au ciel et a la terre glorieu-  
se exaltee et digne de louège. Gloria.

Je te salue.

**B**enoiste soys tu mere de dieu disrael  
lequel par toy a rachate son peuple.

Il a esleue ta sainte chastete: en la maison  
de son seruiteur dauid.

Commêt il a este dit par la bouche disayer:



des aultres prophetes.

Vierge des Vierges donne nous victoire ou  
bonne paiz avec noz ennemis.

fay nous misericorde ausy a noz parès: car  
telle est la voulète de dieu.

Comment il a promis a noz ancies peres:  
abraham et a toute sa semence.

Et ainsi deliure nous sans crainte de len-  
nemy/et te seruirons tous le temps de no-  
stre vie.

Tu seras appelle prophetise de dieu: car il  
a regarde ta grâde humilite.

Par laquelle il a donne science de salut: a  
son peuple en remission de peche.

Par la multitude de ta misericorde: estoille  
du matin visite nous den hault.

Enlumine ceulx qui sôt en tenebres: a leur  
enuoye la lumiere de dieu.

Mere de misericorde aye pitie de nous po-  
ures pecheurs: qui sans amedement pechôs  
de iour en iour. Gloria patri.

Gete salue.

¶ Sensuyt le Te deum de nostre dame

Dus te louôs dame mere de dieu:

et confessons que tu es tousiours  
Vierge.

Toute la terre te honore et adore:  
car tu es espouse du filz dieu eternel.



Anges archanges: thrones & seigneuries: te  
seruent de bon cueur

Toutes puyssances & Vertuz du ciel: toutes  
dominations obeyssent a toy.

Tous ordres d'anges: cherubin: et seraphin  
te assistent en grand ioye.

Et briefuement toute creature angelique:  
crie a haulte voix sans cesse en disant.

Sainte marie: Sainte marie: Sainte ma  
rie mere de dieu & Vierge

Les cieulx sont pleins et aussi est la terre:  
de la maïeste du saint fruct de ton Vêtre.

L'assistance des glorieux apostres: te loue  
comme mere du createur du monde.

Venoistz martirs bestuz de rouge: te glori  
fient comme mere de dieu.

Les confesseurs & excellēs docteurs: tappel  
lent temple de la sainte trinite.

L'assemblee des glorieuses Vierges: tappel  
le le mirouer de toute chastete.

Toute la court celeste te honore cōme royne  
Par l'uniuersel monde leglise militante in  
uoque et celebre ton nom.

Mere de la diuine maïeste

Tu es la Vierge et tressacree mere de dieu:  
sainte doulce: et pitoyable.

Tu es des anges la maïstresse: tu es de pa  
radis la porte.



Tu es l'eschelle du royaume des cieulx: ha-  
bitacle de gloire/et coffre de pitie.

Tu es la Veyne de misericorde:tu es espou-  
se et mere de iesus.

Tu es le temple du saint esperit:la ou ha-  
bite la benoiste trinite.

Tu es enuers dieu aduocate de l'homme: le  
confort des viuans la lumiere des saintz:

Tu es la force des bataillās:aduocate des  
poures/des pecheurs le refuge.

Tu es de grace tresoriere: des ennemis la  
terreur et la crainte.

Tu es du monde dame royne du ciel: apres  
dieu nostre seule esperance.

Tu es salut des inuoquans ton nom. port  
de salut:refuge des periclitās.

Tu es la mere de to<sup>l</sup>es bienueurs:ioye a sou-  
las des habitans du ciel.

Tu es l'ayde des iustes: rassemblās les pe-  
cheurs:la promesse des patriarches.

Tu es la dame a maistresse des apostres:a  
des euangelistes.

Tu es la force des martirs/le pēplaire des  
confesseurs/l'hōneur et chastete des vierges

Tu as receu le filz de dieu en tō Vêtre pour  
rachater l'homme qui estoit banny.

Par toy le dyable a este vaincu:et paradis  
est ouuert aux fideles.



Tu es avec ton filz a la dextre du pere: prie  
celuy qui biēdia nous iuger.

Nous te prions ayde a tes seruans: qui sōt  
rachatez du sang de ton chier filz.

Fay que en eternelle gloire avec les saintz  
soyons remunerēz.

Dame saulue ton peuple: que nous partici-  
pons en l'eritage de ton filz.

Et nous garde: et gouuerne tousiours.

Nous te boullōs tous les iours saluer.

Et te louer de bouche et de cuer: Bueille  
doulce Bierge tousiours nous garder de de-  
litz et pechez.

Aye pitie de no<sup>r</sup>/par ta misericorde/aye pi-  
tie de uous.

Ottroye nous ta grande misericorde: car en  
toy est toute nostre esperance.

Doulce marie nous no<sup>r</sup> fions en toy: deffēd  
nous par ta grace.

Al t'appartiēt louēge: tu es digne d'honneur  
Vertu et gloire sans fin test deue.

Ae te salue marie.

**E**uconques Veult faire son saulue-  
ment: il fault quil croye fermemēt  
en matie.

La quelle si ne croist estre entiere & iuiuer:  
sās nulle faulte il va a damnement.

Car elle seule Bierge a enfante: & a destruit.



toutes les herespes.

Soit confondu et se cache le tuis: qui dit ie  
sus estre filz de ioseph.

Ayt honte le mauldit heretique: qui dit ies  
sus auoir corps fantastique

Doise quiconques dira que daultre part il  
a prins corps que de dame marie.

Car celuy me sme q'est dieu eternel a prins  
humanite et est au ciel sans mere et en terre  
sans pere.

Tout ainsi comme lame & le corps font l'hō  
me: de dieu et d'hōme est compose iesus

Lequel a prins chair au ventre d'une vierge:  
car il faillloit ainsi rachater l'homme.

Selon diuinite il est egal au pere: mais il  
est moindre selon humanite

Par l'annōcement de l'ange il fust conceu du  
saïtes perit: lequel pourtāt nest pas son pere.

Lequel naquist sans douleur de la mere: q  
sans plaisance charnelle auoit este conceu.

Lequel marie de sa pleine māmelle a alay  
cte: quant les anges nōcerēt les nouuelles.

Qui des troyz roys fust adore: et de herode  
fust chasse en egypte.

Qui de saint iehan fust baptise: & puis tra  
hy: prins flagelle/crucifie mort & enseuely

Qui en grād gloire apres resuscita: et puis  
monta es cieulx.



Qui enuoya cōme il auoit p̄mis: a ses apo-  
stres le saint esperit.

Et p̄s il esleua au ciel sa digne mere: la  
quelle empres luy incessamment le prie.

Voicy la foy que delle nous tenons sans la  
q̄lle nul ne sera saulue.

Je te salue.

¶ Sēsupr la letanie dicelle benoiste dame.

prie eleysen. Kyrie eleysen. ¶ Christe  
audi nos Kyrie exaudi nos.

**K** Pere du ciel q̄ as cree marie pour  
l'amour delle aye pitie de nous.

Filz de dieu qui as rachate le monde qui es  
ne d'une vierge aye pitie de nous.

Saint esperit par la Vertu du quel la vier-  
ge fut ensaïnte aye pitie de nous.

Benoiste trinite qui nest que Vng dieu glo-  
rifiant marie: aye pitie de nous.

Sainte marie la lumiere du monde prie  
pour nous.

Sainte marie qui esleue tes seruans prie  
pour nous.

Sainte marie qui pour les pecheurs prie:  
prie pour nous.

Sainte marie qui enlumine les cueurs prie  
pour nous.

Sainte marie fontaine de pitie prie pour  
nous.



Saincte marie clarte de sainte eglise prie  
pour nous.

Saincte marie fleuve de sapience prie pour  
nous.

Saincte marie de lange saluee prie pour  
nous.

Saincte marie laquelle le saint esperit en  
nombra prie pour nous.

Saincte marie au ciel glorifiee prie pour  
nous.

Saincte marie la rose sans espine prie  
pour nous.

Saincte marie Vigne noble et fertile prie  
pour nous.

Saincte marie douce Vierge tant belle prie  
pour nous.

Saincte marie espouse du filz de dieu prie  
pour nous.

Sainte marie esleue de dieu mere prie pour  
nous.

Saincte marie du saint esperit gardee prie  
pour nous.

Saincte marie qui as conceu le filz de dieu  
prie pour nous.

Saincte marie qui as enfante dieu et homi-  
me prie pour nous.

Saincte marie qui de Virginite porte la bā-  
niere prie pour nous.

Saincte marie vierge de iesse portant dieu  
prie pour nous.

Saincte marie arbre de vie fertile prie pour  
nous.

Saincte marie la plus belle de toutes prie  
pour nous.

Saincte marie la plus humble des hâbles  
prie pour nous.

Saincte marie la plus sainte des saintes  
prie pour nous.

Saincte marie amiable sur tout prie pour  
nous.

Saincte marie excellente sur toutes choses  
prie pour nous.

Saincte marie mere du createur prie pour  
nous.

Saincte marie mere du redempteur. prie pour  
nous.

Saincte marie mere du sauveur prie pour  
nous.

Saincte marie que le monde desire prie pour  
nous.

Saincte marie que le dyable craint tât prie  
pour nous.

Saincte marie mere amiable prie pour  
nous.

Saincte marie vierge pleine de grace prie  
pour nous.



Saincte marie vierge pleine de clemence prie  
pour nous.

Saincte marie douce consolation prie pour  
nous.

Saincte marie la fleur et puy de toute Vir  
ginite prie pour nous.

Saincte marie fleuve de sapience prie pour  
nous.

Saincte marie clarte orientale prie pour  
nous.

Saincte marie des vertuz du ciel royne prie  
pour nous.

Saincte marie maison de dieu sentant le cy  
pres prie pour nous.

Saincte marie fenestre de cristal prie pour  
nous.

Saincte marie la belle aube du iour prie  
pour nous.

Saincte marie vierge belle et plaisante prie  
pour nous.

Saincte marie douce melodie sonant prie  
pour nous.

Saincte marie tresoriere de delices prie  
pour nous.

Saincte marie de la court tresoriere prie  
pour nous.

Saincte marie porte de paradis prie pour  
nous.



Saincte marie Vmbrage de iesus prie pour  
nous.

Saincte marie des Vierges la lyeſſe prie  
pour nous.

Saincte marie des femmes la premiere be-  
nediction prie pour nous.

Saincte marie des miserables la consola-  
tion prie pour nous.

Saincte marie Vraye ioye et salut prie pour  
nous.

Saincte marie mere de charite prie pour  
nous.

Saincte marie largesse de pitie prie pour  
nous.

Saincte marie mere des orphelins prie pour  
nous.

Saincte marie mammelle des petis prie pour  
nous.

Saincte marie soulas des affligez prie pour  
nous.

Saincte marie a laquelle les anges obeiffēt  
prie pour nous

Saincte marie noble royne des cieulx prie  
pour nous.

Saincte marie de la quelle les saintz et  
saintes menēt ioye prie pour nous.



Saincte marie laquelle toutes choses hono-  
rent et adorent prie pour nous.

Soye nous en ayde: et nous pardonne dame  
deliure nous.

Soye nous en ayde dame deliure nous.

De toutes aduersitees: dame deliure  
nous.

De toutes mauuaises tentations dame de  
liure nous.

De ire et indignation de dieu dame deli-  
ure nous.

De tous perilz et desperation dame deliure  
nous.

De orgueil damnable: dame deliure  
nous.

De auarice qui tout gaste dame deliure  
nous.

De ire et du tourment denuye dame deliure  
nous.

De la tentation de la chair qui nous mole-  
ste dame deliure nous.

Du vil peche de gourmandise dame deli-  
ure nous.

Du dyable malicieux dame deliure  
nous.



Par la douleur et ioye de ton enfantement. dame prie pour nous.

Par la douleur et angoisse de la passion de ton filz. dame prie pour nous.

Par le miracle de sa resurrection. dame prie pour nous.

Par l'attēte du saint esperit dame prie pour nous.

Par la ioye et l'yesse de son ascension dame prie pour nous.

Par la ioye et l'yesse de tō courōnement dame prie pour nous.

A l'heure de la mort dame prie pour nous.

A lestroit iugement dame prie pour nous.

Des grandz tourmēs dēfer dame prie pour nous.

Dame nous pecheurs te priōs entend nous

Qu'il te plaise garder nostre mere leglise: nous te priōs entend nous.

Que tu vueille impetrer gloire aux bōs & p  
bon au mauuais entend nous.

Que aux troublez dōne consolation: et aux  
prisonniers deliurance entend nous

Qu'il te playse donner consolation a ceux  
et celles qui de bon cueur te seruent: entend  
nous.

Que tu garde tout le peuple crestiē/ qui est  
rachate du sang de ton chier filz entend



nous.

Que aux trespassez vueille donner repos.  
entend nous.

Mere de dieu entend nous.

Treschere mere et nostre bonne maistresse  
aye pitie de nous et nous donne ta paix.

Amen Kyrieleyson christe eleysen kyriel.

Pater noster. Et ne nos inducas in tentati  
onem. Sed libera.

**M**ay dit dame/aye pitie de moy: gua  
ris mō ame iay peche contre toy.

Tourne ta pitie sur nous: et que  
nous impetrons ce que nous demandons.

Monstre ta puyssāce contre noz ennemis:  
que tu soys iustifiee en toutes nations.

Aye pitie de tes serfs qui te inuoquent. ne  
les laisse souffrir en leur tentation.

Ne nous delaisse alheure de la mort: se  
cour nostre ame a son departement.

Soye nous dame chasteau de force et pierre  
dure contre nostre ennemy.

Ayde moy dame que ne tombe a ses piedz:  
que ie le tienne. Vne fois dessoubz moy.

Epaulce dame ma petite orayson: et lenne  
my perde du tout sa force.

Orayson.



**O**mnipotent eternel dieu: qui dune  
Vierge as prins chair humaine: la  
q̃lle te enfanta en sa Virginite: fay  
que de corps chaste nous te seruons: et par  
humilite te soyons agreables.

Nous te prions aussi piteuse Vierge royne  
du monde: des anges la maistresse.

Que tu impetres aux pources trespassez en-  
uers ton filz repos et refriger.

Et aux pecheurs fay donner remission.  
et aux parfaits perseuerance en bien.

Et no<sup>s</sup> qui sommes au milieu des dāgiers  
defend nous par ta misericorde.

Per christum dominum nostrum. Amen.

finis.



Orayson de nostre dame tresdeuote qui  
se commence. Stabat mater dolorosa.



**A**pres la croix bié triste et dolente  
Pleine de pleurs et de gémissement  
estoit la mere du redempteur du monde.  
Quar son chier filz mourroit honteusement  
Le cuer dicelle plourant et douloureux.  
Du conteau d'amer tume fust perce & feru.  
D combien triste & fort deconfortee.  
Ceste benoiste fust de son chier enfant.  
Laquelle ploroit: gémissoit et trembloit.  
En regardant les peines diceluy.  
Qui seroit l'homme qui tost ne ploreroit.  
S'il regardoit de cuer en tel tourment.  
La mere de dieu pale le cuer transi  
Empres son filz en Vne croix pendant.  
Qui se pourroit tenir d'auoir tristesse.  
En regardant ceste piteuse mere.  
Gettas souspirs pleurs & larmes sans cesse  
Souffrant au cuer douleur si tresamere.  
Pour le peche de nostre premier pere.  
Doit pendant a la croix son chier filz.  
Entre larrons pour plus grand vitupere.  
En sanglente: flagelle et murtry.  
Et puis apres elle le vist mourir.  
En grand angoisse desole & transy  
Dont apeu pres que ne rendit l'esperit.  
De la douleur que luy deoit souffrir.  
Or sus fontaine pleine de charite:  
fay moy sentir Vne part du torment.



Que ton chier filz a voulu de son gre.  
Souffrir en croix pour nostre saulement.  
fay que mon cueur layme si ardaement.  
Qu'il luy complaise a mon trespassement.  
Sainte marie fay encore cecy q mon cueur  
sente les playes de ton filz / flagelle / blesse /  
ensanglète pour moy pecheur / fay moy sen  
tir languisse.  
fay moy viayement plover avec toy: du cru  
cifix auoir compassion.  
Tant que mō ame demourera dedens moy  
Que ie recorde sa digne passion  
Que avec toy soye tousiours epres la croix  
Et de bon cueur ie tacompaigneray.  
Vierge des Vierges le Excellence  
Je te supplie ne me soye amere.  
fay moy gemir en ta digne presence.  
Et que ie porte et recole / de dieu mere Vne  
partie de l'horrible misere.  
Qua enduretō filz pour moy pour pecheur  
fay q les playes entrēt dedens mon cueur.  
Et de sa croix iaye a souffisance.  
Je te requier aussi en son honneur.  
Quau iour du iugemēt tu me soye endefese  
Que tousiours soye en la protection de ce  
ste croix et de sa digne mort.  
Que par sa grace iaye saluation.  
Et toute ma Vie soye de luy recordz.



Et quant mon ame partira de ce monde.  
Et l'assera mon corps a pourriture.  
Recors mon ame la ou tout bien abende.  
En paradis ou gloire tousiours dure.  
Amen.

**C** Drayson tresdeuote qui se comence en  
latin **O** bone iesu ac. laquelle cœ dit mō  
seigneur saint anselme peut preseruer  
l'homme de dānation qui deuotement tous  
les iours la dira.



**O** bon iesus : o pitoyable iesus : o  
doulx iesus : o iesus filz de la vier  
ge marie : qui es remply de grace  
et de misericorde : o doulx iesus p  
ta grande pitie / aye pitie de moy pour pe  
cheur. Diesus remply de clemence ie te sup  
plie pour le sang precieus que as respendu  
pour no<sup>r</sup> et nostre sauement q̄ tu nettoies  
toutes mes iniquitees aye regard a ce po



ure penitent le quel inuoque ton saint nom  
humblement. O nō de iesus nom doulx nō  
delectable: nom qui conforte ceulx qui sont  
desolez: mais quest ce a dire iesus si nō saul  
ueur? Pour tāt iesus pour lamour de ton nō  
que ne perisse. Bien tantost en mon ayde: a  
celle fin q̄ toy qui mas cree et rachate/ pour  
mes pechez ne me laisse dāner: ne peche nuy  
re ne puyſſe a celuy le quel tu as cree par ta  
bonte. Et recognois tout ce qui t'appartiēt:  
ce qui est d'aultuy nettoye le monde/ iesus  
bening/ durant quil en est temps. Je te sup  
plie aye pitie de moy: a celle fin que au iour  
du iugemēt: tu ne me dāne pour mes grādz  
desmerites. Quel bien Viendra de ma dam  
nation: si ie descēs au parfond des enfers.  
Car les mors en peche ne te loueront point:  
ne ceulx aussi q̄ irōt es enfers. O iesus di  
gne destre sur tout aymer/ sur tout prise: ie  
sus plaī de pitie. O iesus iesus iesus dueil  
le moy receuoir au nōbre des sauluez. Iesus  
saulueur de ceulx q̄ en toy ont espoir: ies<sup>s</sup> sa  
lut de ceulx q̄ croyēt en toy: iesus soulas de  
ceulx q̄ y ont refuge. O ies<sup>s</sup> doulce remissiō  
des pechez. O iesus filz de marie vierge cha  
ste et pure/ respens en moy grace & sapience/  
sciēce: charite humilite: chastete: q̄ ie te puiſ  
se parfaictemēt aymer: te collauder: auoir ta



Vision: y prendre goust & my glorifier. Et to<sup>9</sup>  
ceulx la q inuoquent ton nō qui est iesus.  
Amen. Pater noster Aue maria.

¶ Sensuyuet douze signes p lesqz on peut  
cōgnoistre & coniecturer q on est en la grace  
de dieu quant on trouue sa cōscience dispo-  
see selon iceulx signes & coniectures.

Le temps passe des pechez cōmis gémir &  
plor.

Le tēps auenir d mal faire se Vouloir garder  
A bien faire prompt & facile soy trouuer

La parolle de dieu deuotemēt ouyr & escouter  
Sa conscience nette tenir et songneusement  
purifier & soy confesser

Le monde & toutes vanitees mōdaines suy-  
r et contemner.

Les ioyes de paradis de tout son cuer que-  
rir et desirer.

La passion du doulx iesus piteusement et  
souuent recorder.

Les desirs charnelz soubz le pied mettre et  
mortifier.

Son prochain en dieu aymer & benignemēt  
supporter & avec luy paiz garder

A ses ennemis iniures remettre et de bon  
cueur pardonner.

Les tribulations maladies et aduersitees  
patientement souffrir & endurer.



**C** Et finist le psaultier de la tressacree vier-  
ge marie trāslate de latin en francois / avec  
les cantiques qu'on a acoustume de dire au  
psaultier / aussi la letanie q̄l appartient a dire  
a le tout a la louēge de la vierge marie: avec  
Vne deuote oraison en lhonneur dicelle vier-  
ge / nōmee en latin Stabat mater dolorosa.  
et Vne autre deuote oraison a nostre seignr  
iesucrist nōmee en latin. **D** bone iesu / lesq̄l  
les oraisons sont translatees de latin en fra-  
cois. Et a este imprime a Paris par Jehan  
barbier demourant en la rue saint iaques a  
lenseigne de lespee. Lan mil. cccc. .x. .ij. le.  
Viii. iour de may.

**Q**ui en Boul'dra on en trouuera a lymage  
nostre dame en ladicte rue saint Jaques  
pres saint benoist.



